

ДТ-09.



В. ШИРЯЕВ

# КÖРЬЯС ВЕШЙÖНЫ МОРЕЛАНЬ



81 01  
85  
95

В. ШИРЯЕВ

# КÖРЪЯС ВЕШЙÖНЫ МОРЕЛАНЬ



ПОВЕСТЬ

Городская Детская  
БИБЛИОТЕКА №  
г. Сыктывкар.

КОМИ КНИЖНОЙ ИЗДАТЕЛЬСТВО  
Сыктывкар 1960

справочно-  
библиографический отдел

## СОДЕРЖАНИЕ

Миша виччысьö воксö . . . . .	3
Чериа ты дорын . . . . .	9
Кöиньяс . . . . .	15
Ичöт отсасьыс . . . . .	19
Кöнбсь ті, кöрьяс . . . . .	28
Йöрасьöм . . . . .	33
Самолёт лэбö войвылö . . . . .	39
Кытчö вошис Харитон . . . . .	46
Стадаын . . . . .	55
Байдöг чомйын . . . . .	72
Харитонлөн мыж . . . . .	77
Ненецьяс . . . . .	80
Виччысьтöм встреча . . . . .	88

---

*Владимир Архипович Ширяев*

ОЛЕНИ ИДУТ К МОРЮ

На коми языке

Оформление П. Митюшева

Редактор С. Морозов      Худож. редактор М. Безносов      Техн. редактор И. Цивуник

Сдано в набор 6/1-1960 г. Подписано к печати 31/III-1960 г. Формат 84×108<sup>1/32</sup>

3,125 бум. л. 6,25 печ. л. (Уч. л.3,87) Тираж 2000. Заказ № 597. Ц00720.

Коми книжное издательство. Дом печати. Цена 1 руб. 80 коп.

---

г. Сыктывкар      Республиканская типография Полиграфиздата  
Министерства культуры Коми АССР.

## МИША ВИЧЧЫСЬӦ ВОКСӦ



Миша Вале́й — сәтӧр кодъ сьӧд синъяса ичӧтик детинка. Сійӧ оло батымамыскӧд ёсь йыла чумын, кодӧс сӧмын вежон кежлӧ кымын сувтӧдлӧны ӧти местаӧ, а сәсся бара разьӧны, сӧвтӧны джуджыд подъяса кузь дадыяс вылӧ да нуӧны выльлаӧ. Кодарӧ вешйӧ кӧр стада, сыланьӧ муно и чум.

Уна местаясӧ волӧны кӧр видзысьяс, унатор адзылӧны. Гырысьяс велалӧмаӧсь нин ветлыны, та вӧсна быдтор налы кажитчӧ веськодӧн. А Мишалы ставсӧ на колӧ тӧдмавны. Петас сійӧ чумысь, кыпӧдчас джуджыдджык мыльк йылӧ, кысянь ки пыдӧс вылын моз тыдалӧ паськыд тундраис, и дзоргӧ-видзӧдӧ ас гӧгӧрыс. Лӧбалӧ кӧ юр весьтын ыджыд варыш, Миша думайтӧ: «Мыйла сійӧ оз усь? Ӧд лӧбачыс ловъя жӧ, эм сылӧн мортлӧн кодъ синъяс, ныр-вом да кокъяс. Вӧчны кӧ меным сәтшӧм жӧ бордыяс...»

Унатор на оз төд Миша. Оз төд, мыйла тундраын пуяс оз быдмыны. Абу төдса, кытчö воштысьлöны төв кежлö дзодзөгъяс да уткаяс, а тулыснас бөр локтöны войвылö.

— Мамö, мыйла ми тулысын и арын вöтчам дзодзөгъяс бөрся?— юасьö Миша.

— Йöюк тэ, Мишенька,— висьталö мамыс.— Ми жö ог дзодзөгъяс бөрся вöтлысьöй, а көръяс вöсна тöждысям. Гожöмнас, кор тундраын öвадыс этшаджык, вешъям вой море дорöдз. А төвнас тундраын зэв гырысь бушковъяс гуляйтöны, көръяслы сёян оз шед, вот и лоö вешйыны вöраинъясö...

Но, висьтаваны кö веськыда, Миша öтмоза радейтö төвсö и гожöмсö. Төвнас сийö лыжиöн исла-лö, небыд лым пытшкын туплясьö-ворсö. Немтор, кöть и кöдзыд: маличаасяс, пимиасяс, да медся лэчыд төлыс оз мөрччы!

А гожöмын, кор стада петö тундраö, ещö на гажаджык. Сэки Миша пöшти оз пыравлы чумö: тыясын плавайтысь юсьяс вылö видзöдö, еджыд луньяслысь позъяс корсьö, руд гöна кыньясöс кыйöдö.

Сöмын öтиторйöн абу лöсьыд Мишалы — дзик некодкöд сылы ворснысö. Тундраын челядь абу-öсь. Гырысьджыкъяс кольчисны сиктö велöдчыны, интернатын олöны. Илья дядьлөн семьяыс таво гортас жö кольчис.

Школаын велöдчысьяс локтасны гожöм кежлö тундраö, каникул вылö. Дерт, найö воасны разнöй бригадаясö, но Миша виччысьö Вася вокыслысь воёмсö. Сийö петкöдлас сылы асьыс медся радейтанаторсö: кöч кодь еджыд көрпиös, кодi чужис тулыснас, ичöтик да нэриник, но öни быдмыштиc нин.

«Оз быд во чужлы стадаын еджыд көрпийд, — думайтө Миша. — Вася радлыны кутас».

Васялы — дас арсс. Кык во сайын на сийө первойысь мунис школаө, а кольөм гожөмын бура нин кужис гижны да лыддысьны. Гожся каникул дыр-йи Вася сьөрсъыс вайлис мича картинкаяса книга-яс. Сылысь гора лыддысьөмсө кывзылисны чумса став олысьяс. Весиг фермаса бригадир Илья дядь унаысь ошкывлис сийөс Вася батылы: тэнад пийд пө, Фёдор, — молодец, прамөя нин велалөма!

А Илья дядь прөстайсь оз ошкы, сийө век весь-кыда сёрнитө.

Регыд Миша велалас лыддысьны да гижны: батыс көсийө сийөс арнас Васякөд өтлаын мөдөдны сиктө. Вокъяс кутасны велөдчыны школаын, а овны — интернатын.

Мишалы зэв окота велөдчынысө. Сийө оз вермы виччысьны, кор Вася воас каникул вылө да арнас нуас сийөс аскөдыс. Детинка быд лун юасьө та йылысь мамыслысь да батыслысь. Найө шуөны, мый школаын велөдчөм өни помасис нин и, мыйөн кутас локны тундраө самолёт, Вася өти здук оз пукав сиктын.

Миша быд лун виччысьө самолётлысь воөм. Мукөд дырйи сийө чатөртчас лөз небесалань и, синсө лапнитлытөг, видзөдө, пель чошкөдөмөн кывзысьө. Сөмын еджыд борда варышъясысь өтдор сәни нинөм оз тыдав, а моторлөн жургөм пыдди тундра весьтын шутьялө төв.

Талун Миша бара пукалис чумсянь неылын кыпалысь мыльк вылын да чатрасис енэжлань. Поводяыс вөлі төла, и номъяс эз дөзмөдны сийөс. Пукав көть лунтыр.

— Бара нин Васятө виччысян? — кылис бөр-

вылын зоотехник Василиса Антоновналөн гөлөсыс.

Миша дрөгнитіс виччысытөм шыасьөмысь, сувтіс.

— Бара нин, мися, воктө виччысян?— вильысь юалис Василиса Антоновна.— Регыд воас.

— Талун?— сюся видзөдіс сы вылө Миша.

— Талун оз на.

— Аски?

— Гашкө, аски,— нюмдіс Василиса Антоновна.— Самолётлысь петөмсө радио пыр юөртасны.

— Оз кө юөртны?

— Юөртасны,— бурөдыштіс сійөс Василиса Антоновна.— Öні ме ветла стада йирсянінө, а рытнас бара радио пыр йитчылам колхозкөд.

Детинка кутіс виччысьны рыт воөм. Сэки Василиса Антоновна матыстчас чумын сулалысь көрт ящик дінө, пуктас пельясас сьөд наушникьяс, ваяс вом дорас дзодзөг кольк ыджда гөгрөс көрөбка да мөдас шуавны: «Земля... Земля... Ме — Чайка, ме — Чайка»... Миша төдө нин, мый «Земляыс» — налөн сиктныс, көні олө Вася, а «Чайкаыс» — көр стаданыс.

Но самолёт йылысь юөр эз во и рытнас.

— Абу на, Мишенька, петөма Васяыд,— шуис Василиса Антоновна да зілис өдйөджык мөдарө бергөдны сёрнисө, быттьөкө сійө тшөтш вөлі мыжа сыысь, мый татшөм дыр абу самолётыс.

Колисны луньяс... Стада пыр вешйис войвылө. Карскөй море дорө матыстчөм бөрын самолётлысь воөмсө мөдісны тшөтш виччысьны и гырысьяс. Быдөнлөн эм аслас төждысьөм.

Миша да сылөн бать-мамыс, дерт, медся ёна виччысисны Васялысь воөмсө. Пи воигкежлө ма-

мыс зілис эштөдны вьль малича вурөм. Сылөн, чумработничалөн, этша овлө прөст кадыс. Колө куимысь лун пусьыны, став пастукъясөс вердны-юктавны. Мишалөн эм жө нин вьль малича да пими. Оні найөс дзевөма вандейө, кузь дадь вылө көрталөм ларйө, и пасьталас школа-интернатө мунігөн.

Бригадир Илья дядь ассьыс став семьясө колис сиктө, сы вөсна мый сылөн куим ныла-пия велөдчөны школаын. Гортысь петөмсянь коли нин матө во джын. Оні сійө виччысьө семьясянь письмө, майшасьө, кыдзи пө олөны, оз-ө висьны, став челядыс-ө вуджисны мөд классьясө. Но нывьясыс да пиыс, дерт, тундраө оз локны. Мамныс сиктын, сәні мед и гождйөны.

Зоотехник Василиса Антоновна виччысьө юөр аслас мамсянь. Таысь кындзи, сійө виччысьө самолөтөн содтөд лекарствояс. Дерт, лекарствояс эм на, и көрьяс дзоньвидзаөсь, но өд кузь туйын быдторйыс вермас лоны. Некумын во сайын на көрьяс висьмылісны ящурөн да джын стадаыс пластнитчис-куліс тундраө. Василиса Антоновна сәки эз на вөв тундраын, Сыктывкарса техникумын велөдчис, но өд ыджыд бедатө он дзев. Ящюра во йывсьыд Илья дядь да Мишалөн батыс частө на казтьывлөны. Пөлынтьчасны воль вылө и сёрнитөны, кыдзи сәки быдса вежоньясөн узыны абу водлывлөмаөсь. «Дзик жө пө фронт вылын кодь вөлі», — шулывлө Илья дядь.

Мыйкө да мыйкө быдөн казтьывлөны, мөвпалөны, виччысьөны. Сөмын, кажитчө, пастук Харитонлы дзик веськодь ставыс: дежурство бөрын воас чумө, нурьясыштас и ош моз пырө аслас балаганө, чум пытшкө зэвтөм ситеч вонйө. Некод-

көд сійө прамөя оз сёрнитлы, ньөтчыд нинөм оз юась, оз висьтав.

Харитон уджалө пастукөн сөмын төвсяньыс на, тундраө воис первойыс. Гырысьяс сёрнитисны, мый том дырйиыс сійө во-мөд уджавлөма жө көр пастукөн, а сөсся кокныд нажөтка корсьны мө-дөдчөма. Медасьлөма пө весиг уджавны шахтаын, но из шом перйөмыд абу жө воөма сьөлөм вылас. Шуоны, мый сійө юөм вөсна дзыкөдз дзугсьөма олан туй вывсьыс да бөр воөма ас сиктас, ачыс вөзйысьөма тундраө.

Өнi Харитон өкуратнөя ветлывліс дежурство вылө, вөчліс, мый тшөктасны, но ыджыд зільлун-өн эз торъявлив: жугөдас кө дадь, мөдөс доддя-лас, а важсө оз дзоньты, весиг моздор тыр рос оз вай. Олө и олө, медым сөмын лун-войыс кольө.

— Ог гөгөрво ме тэнө, Харитон,— дивитлывліс сійөс Илья дядь.— Нимыд тэнад зэв гора, овыд мича — Янгасов, мышкуыд, чурки-буди, сыв пась-та, а олөмад тайө оз төдчы. Збойджыкөн колө лоны, оз ков йөзысь өтдортчыны.

Дивитігьясөн Харитон эз шулывлы воча кыв ни джын, бергөдчывліс мөдарө. Мый вөлі сьлөн сьөлөмас — некод эз төд: сьөлөмыд — абу куд, он лэпты сылысь вевтсө да видзөд пытшкөссө.

Но өтлаын олысьяс гөгөрвоисны Харитонлысь олан сямсө и зілісны не вөрөдны сійөс. Миша сідз жө кутіс өтдортчыны зумыш пастукысь. Пукалө кө Харитон чумын, детинка өдйөджык петө ыв-лаө. Көрьяс йирсянінө сійө ветлывлө сәки, кор дежуритөны батыс либө Илья дядь. Найө век аддзөны детинкакөд сёрнитантор, еджыд көрпийс матысянь петкөдлөны, гуляйтөдөны даддын, ве-сиг көрьясөн веськөдлыны пуксьөдлөны.

— Велөдчы, зон, көръяснад вөдитчыны,— шулывлө Илья дядь.— Медым лоны бур пастукөн, инженерлы мында жө колө төдны. Ми, чурки-буди, тэ ыждаөн жө заводитим дадювнад веськөдлыны.

Мишалы нимкодь, мый сийө велалыштіс нин веськөдлыны көръясөн. Аргышөн мунигөн сийө оз нин пукавлыв мамыскөд орччөн. Воом бөрас Вася ачыс аддзас, кызди ичөт вокыс ветлө торъя дадюлөн, весиг дадь вылө сувтөмөн гөнитө, и оз кольчы гырысьясысь.

## ЧЕРИА ТЫ ДОРЫН

Тундраө петөм бөрын көр видзысьяс оз нин овлыны черитөг. Быд сөйигөн пызан вылын эм пуөм либө жаритөм ком, сиг, гөрд чигъя голец да мукөд пөлөс чери. Да и позьө мөй мөд ногөн! Паськыд тундраын, кодарө он видзөдлы, быдлаын зеркалө моз дзирдалөны тыяс. Пөшти быд тыын чери. А кыйнысө найөс пөшти некодлы. Сөмын өтчыдысь вонас вуджөртлө таті көр стада, сэсся морткок оз тувчывлы.

Дерт, мыйкө мында посныдджык черитө сөйөны ты бокъясын быдтысьысь юсьяс, дзодзөгъяс да уткаяс, кодъяс нарошнө волөны ылі войвылө чөс-масьыштны свежөй чериөн. Но тыяслөн озырлуныс таысь оз чин.

Мишалөн батыс либө Илья дядь сутш кежлө и ветласны ты дорө, а мешөк джын черитөг оз во-лыны. Мича поводдя дырйи Миша частө ветлывлө накөд өтлаын. Сөмын Харитон оз радейт кыйсьыны. Чери йылысь сийө ньөтчюд оз гаравлы. Эм кө пызан вылын — сөяс, абу кө — сідзи олас.

Миша казяліс нин, мый көр стада сулаланінъ-  
ясын кыйёны чери оз став тыясысь, а кутшөмкө  
өтиысь. И тайё тысө век нимтёны Чериа тыён. Ста-  
да мунан туй вылын татшөм нима тыыс овлө кы-  
зьөдз-комынодз, а босьтны кө став тундра пасьта,  
некымын сёөдз, гашкө, весиг тысячаөдз чукөрмас.  
И став тыясылөн өти и сийё жө ним.

Талун детинка сөмын на садьмис да петіс  
чумысь, а Илья дядьыс горзё нин сылы:

— Михаил Фёдорович, он кө дышөдчы, ветлам  
Чериа ты дорё! Мыйкө өд, чурки-буди, бара на  
шедас.

Коді нө өткажитчас ветлөмысь!

— Дзик пыр!— горөдіс Миша, пыраліс чумө,  
көмаліс көр куысь вурөм кузь гөленя төбөксө,  
кватитіс маличасө да өти здук мысти пукаліс нин  
көр дадь вылын.

— Хо-хо-хо-хо! Чу-чу!— горөдіс Илья дядь да  
шеныштіс харейөн.

Нель бык нетшыштчисны места вывсьыс, тю-  
рисны веретя пөкатөд да мөдісны рөдтыны кузя  
нюжөдчөм ты пөлөн. Сёнын көръяс кок улысь өта-  
рө-мөдарө резсис ва. Илья дядь нарошнө бөрйис  
васөдінъяс: уль турун вывті кокньыдджыка ис-  
ковтіс дадьныс.

Турунвиж эшкынөн шебрасьөм тундра весьтын  
меліа нюмъяліс асья шонді, лөз небесаын эз вөв  
ни өти кымөртор. Шоньд. Сөмын кокньыдик төв-  
ру пөльыштлө то өтарсянь, то мөдарсянь. Вой  
кежлө петавлысь номъяс повзисны төвруысь, ля-  
сісны му бердө, эз кутны дөзмөдчыны ни йөз-  
лы, ни көръяслы.

— Көні нө миян...— Миша өтарө-мөдарө гонь-  
йөдліс юрсө, мыйкө корсьысис синъяснас.

— Стаданым?— гөгөрвоис Илья дядь, а сэсса висьталіс:— Войнас номъяс кутісны наступайтны... көръяс места оз аддзыны. Харитонлы тшөкті вөтлыны найөс татысь эсіё гөра бокас,— сіё индіс джуджыд мыльк вылө, коді кыпөдчис нянь тупөсь моз тундра да енэж өтлаасянінын.—Сэтчө төлыс ёнджыка инмө, өвадсө разөдө...

Көръяс кок улысь нем виччысьтөг жбыркнитіс-лэбзис пемыдвиж рөма лэбач. Илья дядь лёкысь зэлөдіс вөжжисө:

— Чурки-буди, муртса эг талайлөй!

Миша аддзис, кыдзи көр кокъяс улысь өтарө-мөдарө тюрөны колькыйысь муртса на петөм байдөгпиян. Детинка важөн төдіс: ар кежлө тайө пев пом гырся ловъя ловъясыс лоасны мамныс кодь гырысь руд лэбачьясөн, а лым усигөн едждасны лым еджыдөдз, медым кокныдджык лоө дзебсясьнысө. Миша унаысь аддзывліс байдөг котырьястө вөрьясын төвйигөн.

Илья дядь төждысьөмпырысь колльөдіс байдөгьясөс да, ещө өтчыдысь дадь улө видзөдлөм бөрын, вөрзьөдчис водзө. Сіё ёна радейтө став пөткаясөс, ачыс оз лый ни дзодзөгөс, ни уткаөс, и мукөдлы оз тшөкты. А юсьяс йылысь и сёрнитны нинөм.

Миша помнитө, кыдзи тулыснас Харитон ваийс виөм юсьөс. «Мыйла тэ тайөс?»— пузис Илья дядь. «Пуксисны дінө сө гөгөр юсь,— шуө Харитон.— Эг вермы кутчысыны, лыйи». Илья дядь сувтөдіс синсө сы вылө: «Прамөй көр видзысь тшыглы кутас кувны, а тайө лэбачсө, чурки-буди, оз ви. Мөдысь мед татшөмторйыс эз вөв».

И сы вөсна, мый Илья дядь кодьөсь унджык көр видзысьяс, тані пөтка ньөти оз пов мортысь.

Со, шуам, өні. Ты вылын пукалысь уткаяс видзөдöны дінтіныс мунысь дадюв ылö, быттьökö көсйöны юавны, кутшöм могөн да ылöдз-ö мөдөдчисны Илья дядь да Миша?

Алькөс берега ыджыд ты дорын куйліс кымыньтöм ичөтик пыж, а сэсянь неылын сулаліс кузь дадь. Тайö пыжыс Миша батылөн. Тундраö петөмсянь нин сійöс нуöны дадь вылын.

Илья дядь сувтөдіс көръяссö да веськөдчис пыж дорö. Миша вöтчис сы бөрся.

Берегсянь неылын ызöбтіс кутшöмкө ыджыд чери, петіс шөрлань.

— Мышсö шонтыны кайöма,— пыж лэдзигмоз шмонитыштіс Илья дядь.

— Чериясыс кынмöны жö?— юаліс Миша.

— Оз,— веськөдіс пастук. Сійö пыр сідзи: первой сöрыштас, а сэсся веськөдас.— Шондіыд, чурки-буди, быдөнлы муса: мича луно весиг тундраса руд шыръяс петалöны позсыныс, гож водзын ворсöны.

Вобысяс пуксисны пыжö да веськөдчисны ты шөрлань, көні чурвидзисны васыс харей кодь вöсньыдик да кузь шатъяс. Пыж весътөд, көні пукалісны гөрбыльтчыштöм тушаа сьод усьяса мужчина да косыник детинка, горзігтыр шлывьялісны-лэбалісны еджыд каляяс. Мөдар берег дорын суналісны кузь голяа гөгöраяс. Суныштасны ваö, а сэсся дыр мысти мыччысьöны ылын-ылын.

— Видлам, мыйкө шеді эз,— шуис Илья дядь да заводитіс каттыны пыжö гырысь синъяса вöсньыдик кулөм. Тыв гартчö да крукасьлө сьлөн кыз чуньясö, ляскысьö пыж набой бердö. Матыстчас кө сы дінö чериыд да пескыльтчас, пыр и дзугсяс, кызди дзизгысь ном черань везйын.

Ва веркөсын тыдовтчис лым кодь еджыд чери. Сійö вöлі юртöм.

— Илья дядь!— шензяна синъясөн видзöдiс Миша.— Чериыс юртöм... Кыдзи сійö ветлöдлö юртöгыс? Бөрөн али мый?

— Бөрөн, дерт,— сералис пастук.

Миша эз эскы. Но Илья дядь шыбитiс нин пыжö мöд юртöм чериöс, коймöдöс. Нельöдлөн эз вöв мышкыс, витöдлөн кольöма бöжыс.

— Прамöя, чурки-буди, пакöститчöмаöсь,— вомгорулас мургыштiс Илья дядь.

— Кодъяс?— эз терпитесьы Мишалөн.

Илья дядь чатöртчылис да юрнас индiс ты весьтын горзигтыр лэбалысь еджыд каляяс вылö.

— Асланыс сямныс оз тырмы кыйсьынысö, абу на велöдчöмаöсь, а йöз тшöт вылö олöны.

Миша сöмын öнi гөгөрвоис, кодъяс пакöститчöмаöсь: вөлöмкö, каляяс чöсмасьöмаöсь тани. Лöсьыд налы кокавны тывйö дзугсьöм черитö, сöмын суныштлы здук кежлö да кыскы.

Но кулöмлөн увладорö шедöм черияссö каляяс абу на вевъялöмаöсь вөрöдны либö абу вермöмаöсь пыдöдзсö суныштлыны, и кыйсьысьяслы сюрис на прамöй уна сиг да ком. Ещö унджык чери шедiс мöд кулöмысь.

Илья дядь бөр вöйталiс кулöмъяссö. Кыйсьысьяс сибöдчисны берегö, черисö сөвтiсны мешöкö, сöлисны даддьö да сійö жö туйöд бөр мöдöдчисны гортö. Дадь чеччалiс вутшкысь вутшкö, сунгысьлывлiс гуранъясö. Куш му вывти тыра дадь кыскыны көръяслы сьökыд, но тундраöд ветлöм вылö бурджыктор он думышт. Сиктъясын кодь телегаяс абуöсь. Тöлын и гожöмын вöдитчöны öти и сійö жö дадынас.

Неуна муныштѳм бѳрын Миша казяліс сѳн бокысь Илья дядьлысь понсѳ, сьѳд сера Лыскоѳс... Сійѳ кыкнан водз лапаяснас лѳкысь парсаліс мусѳ: тыдалѳ, корсис кодѳскѳ му пытшсьыс.

Илья дядь веськѳдіс кѳръясѳс Лысколань. А пон, быттьѳкѳ эз и казав локтысьясѳс, важ моз парсаліс-резіс мусѳ, гуас голяѳдзыс сьѳйлас юрсѳ да ещѳ ѳнджыка кутас мургигтыр уджавны водз кокъяснас.

— Вешйыв,— вѳтліс сійѳс Илья дядь бокѳджык, сѳсся ачыс матыстчис му грудиа дорѳ да жервидзысь розьѳ сьѳйис харей помсѳ. Гу пытшкын кыліс кутюлѳн кодь никѳстѳм.

— Кыньпиян,— видзѳдліс детинка вылѳ Илья дядь да юаліс:— Судзѳдам?

— Судзѳдѳй, Илья дядь,— нимкодьпырысь корис Миша.

Дядь мѳдіс харейлѳн кѳрта помнас, кодѳн арся кадѳ ю вомѳн вуджигъясѳн видлавлѳны йилысь крепыдлунсѳ, кодйыны мусѳ. Розыс пырѳ пыдѳдз, но Илья дядь эз думайт ѳновтчыны: кѳсйысис кѳ Мишалы судзѳдны кыньпиѳс, судзѳдас. Медым ѳддзѳдны уджсѳ, сійѳ босьтіс чер да гырысь пластьясѳн чуктѳдаліс ѳжасѳ. Кык воськов кузя бѳрѳзда кодйѳм бѳрын тыдовтчисны кыньпиян. Найѳ вѳліны пемыдлѳз рѳмаѳсь, нѳриникѳсь. Илья дядь босьтіс ѳтиѳс да топѳдіс морѳс бердас. Кыньпи сьѳд сикѳтш кодь синъяснас видзѳдіс морт вылѳ, полѳмысла дзѳрис. Сійѳ эз на куж курчасыны да парсасыны.

— Топѳд моздорад.— Илья дядь сетіс кыньпи-сѳ Мишалы.— Мукѳдсѳ, чурки-буди, колям мамыслы, мед быдмѳны.

Найö пуксисны даддö да мödöчисны водзö. Лыско некыдз эз кöсийы энóвтны мукöд кыньпиянсö, но Илья дядь чуксалис сийöс: мунам пö чум дорö... нинöмла тэныд танi рözбойничайтны.

Миша, пух кодь небыдик гöна кыньпиöс морöс бердö топöдömөн, пукалис дадь вылын. Детинкалөн сьölöмыс чеччис радысла: Вася воигкежлö лоö не сöмын еджыд кöрпи, но и ловъя зверь — ичöтик кыньпи.

## КÖИНЪАС

Чери кыйысьяс воигөн чум дорын вöлины Харитон да Василиса Антоновна. Первойыс муртса на воöма дежурство вылысь да весиг абу вевъялöма пöрччыны маличасö. Зоотехник, кыдзи и мукöд лунъясö, пасьталöма телогрейка, кöмалöма кирзöвöй сапöг, юрас чышьяналöма руд шаль. Сийö оз радейт тöбök да малича. Нывлы ёнджыка воö сьölöм вылас сиктса паськöм.

— Беда, Илья Иванович,— шуис зоотехник, кор Миша да бригадир чеччыштисны даддысь. Нывлөн кельыдлöz синъясын тödчис мыйыськö повзём.— Тавой стадаö кöинъяс пыралöмаöсь...

— Но и мый?— Илья дядь тэрыба бергöдчис Харитонлань.— Мый лоис?

— Öти энъ кöрöс косявлöмаöсь,— вочавидзис Харитон пыдди зоотехник.— Горшö ордöмаöсь сылысь. А мöd энълысь пö сьылисые кучик лестук нетшыштöмаöсь...

— Кор казялнныд?— водзö юасис бригадир. Сийö, плешö кöрömөн, видзöдис Харитонлөн мугов чужöмö, виччысис сылысь воча кыв.

— Асывнас аддзим,— синсö увлань лэдзöмөн шуис Янгасов.— Кор Фёдор Валея локтис менö вежны, öтлаын заводитим кытшовтны стадасö. Гора бокысь аддзим виöm көрсö, а сесся недыр мысти казялим ранитöмасö.

— Тэ тöдлин көинъяслысь волöмсö?— стрöга юалис Илья дядь.— Али синъястö чумö энöвтлин?

Бригадир эз кут öшйыны места вылас: лэдзыштис малича юрсö, сесся питшөгсьыс кыскис табак көшельсö:

— Гашкö, код тöдас мыйта жугöдисны... Кыдзи көть нö коли войыс? Мый он висьтав?

Пастук Янгасов нюжйöдлгтырйи лыддьöдлис местаяс, кыти сийö нуöдис стадасö Илья дядьлысь дежурство примитöм бöрын.

— Вой шөр бöрын, кор тэ тшöктин, катöдi стадасö эсийö гора бокас,— мыкталгтырйи шуис сийö.— Сэни и видзи асылöдзыс. Югдандорыс стада ёна гызылыс, сё-мöд көр весиг гора сайöдз вуджалисны, разавлисны. Но ме бөр чукöртi найöс...

— Чукöртi, чукöртi,— дöзмöмпырысь ордiс сийöс бригадир, мурöстис вомгорулас да куньлис синъяссö.— Чурки-буди, ставыс вöли ладнö, и на тэныд гöснеч... Чöрту, татшöм пастуксьыд...

Миша сюся видзöдлывлис то Илья дядь вылö, то Харитон вылö да дзикöдз нин вунöдлис морöс бердö топöдöм кыньпи йылысь.

Матыстчис Мишалөн мамыс. Сылөн киас — белльö тыра таз: тыдалö, мöдöдчöма ты дорö пожъясьны да, көинъяс йылысь сёрни кылöм бöрын, сувтыштис татчö.

— Ковмас тöдмавны, став көръясыс-ö бөр чукöрмисны стадаас,— бригадир бергöдчис зоотехник дiнö:— Ветлам видзöдлам...

49330



2. В. Ширяев. Кбрьас вешйбны морелань

Городская Детская  
БИБЛИОТЕКА №  
г. Смытывкар,

— Гашкө, мыйкө сөйшпаштанныд? — шыасис Мишалон мамыс.

Илья дядь мыйкө йылысь ёна думайтис, эз весиг кывлы нывбабалысь гөлөссө.

— Бөрүнджык, Александра Петровна, — во-чавидзис ныв, коді быдөнөс ыдждөдліс вичон да овнаон. Гашкө, та вөсна жө сійөс асьсө, томлун вылө видзөдтөг, син водзын көть син сайын, мукөдъяс эз шуны прөстө Чупроваон, а ыдждөдлісны нимнас да овнанас.

Илья дядь чөвтис чум бокө чери мешөксө, пыраліс винтовкала, шуйга кинас малыштис коссыйс тасма йылын ошалысь пуртсө. Сэсся сійө сөліс зоотехниккөд өти даддьө.

Көръяс өдйө нетшыштсисны места вывсьыс да, сыв пасьта сюръяссө катлөдлігтыр, лыйыштисны мыльк йывсянь гөра горулө. Чум дорысь вувзысисны понъяс да чеччалігтыр вөтчисны на бөрся.

— Чу-чу! — ылысянь нин кылыштліс Илья дядьлон гөлөсыс.

Чум дорө кольччысь Харитон бура дыр букуша видзөдіс мунысьяслянь, сэсся крута шеныштис кинас да сөдзөдіс пинь пырыс:

— Ме абу домйывса пон: окотита кө, аски жө шутөвта-муна стадасьыд!

Миша эз бура кыв Харитонлысь ропкөмсө, но гөгөрвоис, мый сійө скөралө Илья дядь вылө.

«Пышйыны, буракө, көсйө, — думыштис детинка. — Көръястө воштис, и дышөдөма уджавнысө».

Юрсө увлань муас лэдзөмөн Харитон довзьөдіс чумлань. Мыйон Миша аддзис сылысь гырдемөм синъяссө, быдөн повзис. Стадаө локтөмсянь Янгов ньөтчыд на эз вөв татшөм скөрөн. Медым не аддзыны сійөс, детинка уйкнитис чум сайө, пуксис

көлуй тыра дадь боко да кутис малавны небыд  
гона ичотик кыньписо.

«Регыд Вася локтас,— шуалис сийо.— А мыйон  
ар воас, тэнө тшотш школао нуам».

Но Харитон локтис и татчо.

— Мамыд коні?— нурбыльтис сийо вомгорулас.

— Ме ог тод,— шуис Миша. Сэссия тэрыба чеч-  
чис места вывсьыс, топодис морос бердас кыньпиос  
да лосьодчис мунны.

— Эн аддзыв али мый?— выльысь юалис Ха-  
ритон.

— Буракө, ты дорө пожьясьны лэччис!— горө-  
дис Миша.

— Сідзи и висьтав,— скөрысь видзөдліс сы  
вылө Харитон.

«Быдөн вылө скөралө, ме бөрся тшотш вөтлы-  
сьо»,— югнитис Мишалон юрын. Сийо сулыштис  
места вылас, сэссия өдийо котөртис ты дорө, коні  
пожьясис мамыс.

Сенө лэччөм бөрын сувтыштліс да видзөдліс  
бөрвылө. Харитон ветлөдліс чумсянь неылын су-  
лалысь дадьяс костөд да сюся видзөдаліс на вылө  
сөвтөм көлуйсө.

«Корсьысьо мыйкө.— Детинка читкыртліс сьод  
синьяссө.— Гашкө, мунны лосьөдчө?» Но Миша  
төдис, мый тундраысь он пет көрьястөг, и та вөсна  
сийо пыр жө вунөдис Харитон йылысь.

## ИЧӨТ ОТСАСЬЫСЬ

Александра Петровна эз казьявлы ты дорө пи-  
ыслысь матыстчөмсө. Сийо вөлі копыртчөма ва  
весьтө да шпольөдчис-пожьяліс пастукьяслысь

көлуйсө. Кор Миша нем виччысытөг шыасис бөр-  
сянныс, мамыс муртса эз усь кокйывсьыс.

— Этатшөма повзёдін!— веськөдіс коссө.—  
Мый нин лоис, мада?

— Аддзылін?— Миша чургөдліс кыкнан ки-  
нас топөдөм кыньпиөс.

— Кытысь нин тэныд сійө?— кыньпи вылө  
видзөдіс мамыс.— Ачыд кутін?

— Ачым,— ошйысьыштис Миша.

— Матысь?— водзё юасис мамыс.

— Илья дядькөд кутім,— эз вермы водзё  
пөръясьны Миша да кутис висьтавлыны, кызди  
найө ветлісны Чериа ты дорө, вөтлісны му позйысь  
кыньпиянөс.

— А тайөс өд домавны ковмас,— велөдіс  
мам,— а сідзтө бөр пышъяс.

Пожъясянінысь кайөм бөрын сійө пыраліс  
чумө, вайис сывйөн-джынйөн кузя бечева тор да  
көрталіс кыньпиылы голяас. Сэссия чомсянь неылө  
найө тувъялісны майөг да домалісны сэтчө звер-  
пиөс.

— Позьё эжаысь чомтор вөчыштны,— шуис  
Александра Петровна.— Сөмын вердыштавны ков-  
мас. Сійө, көнкө, тшыг... петкөд яй да няньторъяс.  
Воас Вася вокыд да кыкөн мөданныд дөзьөритны...

Миша эз убөлит торйөдчыны ичөтик зверь ді-  
нысь. Мамыс ачыс пыраліс чумө, петкөдіс посны-  
дика крөшитөм уль яй торъяс да пунктис кыньпиылы  
ныр улас, но сійө полис матыстчыны сөян дорө.

— Полө,— шуис мамыс.— Вешъям, мада, дін-  
сьыс. Олыштас да велалас. Ми уна быдтывлім  
татшөм зверпиянтө. Первойсө найө век полөны, а  
сэссия велаласны да кычияс моз веськыда ки по-  
мысь сөйөны.

Миша ылыстчис ичөтик кынь дінысь, мөдіс гусьөн видзөдны сы бөрся. Зверпи казяліс, мый некод абу матігөгөрын — локтіс сёян дінө, исаліс, сәсся босьтіс өти яй тор да мөдіс тэрыба вөрөдны вомсө.

— Сёйө, сёйө! — радліс Миша да котөрөн пырис чумө яй торъясла.

Харитон, кылө, ныргорөн шкоргис-узис чум пельөсса аслас балаганын.

«Но и мед узьө!» — думыштіс Миша, босьтіс яй торъяс да өдйөджык бөр петіс: Харитонтөг сылы вөлі кык пөв гажаджык.

Мам сутшкис чум бокө харейяс, зэвтіс гез да өшліс сэтчө мыскалөм көлуйсө.

Та бөрын эня-пия кыкнаныс пуксисны чум бокө да өтлаын заводитісны керны асывнас кыйөм чери.

— Мыйла сы дыра стадасьыс оз локны? — мамыслысь юасьө Миша. — Найө көинъяссө суөдөны али мый?

— Оз, оз суөдны, — вочавидзис мамыс. — Көинъясыд өти войнас кыксө верст сайсянь воывлөны. Пакөститасны, и бөр пышйөны. Кысь найөс суөдан.

— А мый нө, эськө, сы дыра? — Места вылас эз өшйы Миша.

— Ог төд, — шуө мамыс. — Дерт, весь оз пукавыны, вөчөны мыйкө.

— А Василиса Антоновна локтас рытөдзыс?

— Локтас, дерт.

— Оз кө во, некодлы радионас сёрнитны, — ышлолалө Миша. — Тэ, мам, он сяммы?

— Ог, мада, Антоновна сөмын кужө. Төвнас, кор вөлім сиктссянь матынөсь, ветывліс курсьяс

вылө. А войдөр, мян том дырйи, татшөм дивөяс-ыд эз вөвлыны: петас вөлі көр видзысь тундраө, и водз тулыссянь сёр арөдз некутшөм юөр сысянь абу — он төд, кулөма-ө, ловъя...

Мам заводитө висьтавлыны, кызди важся кадө овлөмаөсь тундраын. И Мишалы оз веритсьы, мый сэки абу вөвлөма радио, книгаяс, ситеч дөрөмъяс, абу воывлөмаөсь самолөтъяс. Весиг асланыс көръясыс абу вөлөмаөсь, а купечьяслысь видзөмаөсь. Уджалөмаөсь көр дорысь петавтөг, а некутшөм нажөтка абу вөвлөма.

— И батыө сідзи жө уджавліс? — видзөдө Миша мамыс вылө.

— Сідзи. Ичөт дырйи өд өтлаын быдмывлім...

— И Илья дядь сідзи? — юасьө Миша.

— Сідзи, мада, сідзи, — мам копрөдлө юрсө. — Илья Иванович орчча стадаын ветлывліс.

— А Василиса Антоновна? — Мишалы быдөнөс окоата лои төдны.

— Антоновна том на, — водзө висьталіс мамыс. — Батыс сылөн көръяс дорын жө уджавліс, но война вылын уси. Бур морт вөлі...

Чери меститөм бөрын пырисны чумө. Мамыс босьтіс сямөд, кодөс батыс кульліс еджыд кыдзысь ещө вөрын төвйигөн на, пестіс бипур да чукича-сёр вылын тоньялысь крукъяс вылө өшліс пөртъяс да чайникъяс.

— Мамө, вай ме тэча биас россө, — вөзйысис Миша.

— Тэч, — тшөктіс мамыс да сэк жө өлөдіс: — Сөмын, мада, өтпырйөн уна эн пуктав: тані, вөртөминад, быд ньөр зарниысь дона.

Но детинка эз нин первойысь отсась мамыслы. Тайө велөдөмыс сылы кажитчө ковтөмөн. Миша

төдө: тундраын оз туплясь пескыд, ни өти путор некытысь он аддзы. Унджыклаас чунь кыза ляпкыдик роскыс оз быдмы, лоө ветлыны сыла көр-ясөн уна километр-яс сайё. А уна-ө нө сөвтан ичөтик көр даддьё!

Мөд делё — төвся кадё, кор стада пыралё вөрө. Сэки чумын, өнiя бипур местаын, сулалё ыджыд көрт пач. Ломтёны сiйёс прамой пескөн. Мукөд дырйи чумын овлө сэтшөм жар, мый лоө восьтавыны ывласянь пыранiнысь көр ку вевттьөдсө.

Төвнас, дерт, и чумлөн стеньясыс овлоны то-пыдджыкось. Онi сэтчө ной да брезент вольсалёма, мед зэр оз пыр, а төвнас скомөд пластыясысь вур-лөм едумөн да көр куясөн тшөтш кышавлоны.

...Пукалё Миша бипурдорса пөвьяс вылын, кодьясөс көр видзсыяс шуоны латаөн, да тэчө ыргөн пөртьяс да чайникьяс улө вөсньыдик росьяс. Мамыс сы мышкын гольдчө дозмукөн. А Харитон немтор оз кыв, сөмын шкоркнитлө да шкоркнитлө нырнас. «Мед оз и садьмы,— мөвпалё детинка.— Мунас кө стадаысь — бурджык лоө. А то ош моз пыр сөмын скөралё».

Уль ньөрьяс трачкөдчөны, кыдзи танi шуоны — чискөны. Руд тшын плавьялө чум пытшкын, чум юрса розьөд — мокоданөд — дышиника петө ывлаө. Курөдө синьястө. Пель водзын лөкысь зыньгөны номьяс, кодьяс оз вермыны терпитны тшынсө, но и оз көсйыны пышйыны чумысь.

Бипур заводитө ломтысьны гажаджыка. Йөктысь би кывьяс нюлыштльвлөны пөртьяслысь да чайникьяслысь саөссьөм бокьяссө, здук кежлө судзөдчывлөны чукичаөдз, сэсся бөр раммөны. Кор росьяс заводитөны туктавыны, Миша бара лөд-салө, пидзөсчанясьө да заводитө пөльтны...

Ывлаын кыліс понъяслөн увтчөм шы.

— Локтöны, мамö, локтöны!— нимкодя горöдiс Миша, звирскöбтiс-чеччыштiс бипур дорысь да котöртiс ывлаö.

Верöтя пöлөн чумлань матыстчис кöра. Миша ылысянь тöдiс Василиса Антоновнаöс. Сiйö вайöдiс кöръяссö повод йылын, а даддяс мыйкö сөвтöма.

«Оз-ö нин кöинтö кыскы?»— думыштчис детинка, сэсся котөрөн уськөдчис зоотехниклы паныд.

Дады вылын куйліс ыджыд энъ көр, а орччөн — сылөн теляыс. Налысь кокъяссö кöрталöма сюмысьясөн.

— Мыйла нö тадзи?— вочаасигмоз юалис Миша, но ачыс казяліс, Василиса Антоновна висьтавтөг (тайö вöлі кöинөн косявлөм көр), да водзö юасис:— А кöні Илья дядь?

— Найö батыдкөд мунісны кöръяс корсьны...

— Уна көр вошöма?

— Көр дас кымын,— шуис Василиса Антоновна, сэсся здук мысти содтiс:— А тысячаөн-джын-йöна стадасьыд стöчасö кысь тöдмалан.

Миша тöдiс нин: кöръяслысь юр лыд стöча тöдмалöны сöмын сёр арын, кор стада матысмас сикт дорö. Сiйö аддзыліс кольöм арын, кыдзи лыддисны стадаысь кöръясöс. Первой вöчисны потшъясысь ыджыд йөр, кодöс шуöны карольөн. Öти бокö лөсьöдiсны векныыдик коридор.

Мыйөн дась лои карольыс, сэтчö йөртісны став стадасö. Кöръяс гыöны места вылас, а разöдчыны оз вермыны. Но мыйөн восьтісны коридорсö, найö сэтчö уськөдчисны, заводитісны петны öти бöрся мөд. Сэки и лыддисны кöръяссö. Лишалысьсö нач-

кисны. Но тулыснас вайсисны энъ көръяс, и стада-  
ын гырыся-посниа көрыс өні артавсис кольём वोся  
дорысь төдчымөн унджык.

Чумысь петіс Мишалөн мамыс.

— Воинныд?— юалис сійө.

— Өтнам на,— шуис зоотехник.— Ковмас де-  
журитны бөр мунны.

— Кынөмыд, көнкө, коньөрлөн, дзикөдз сума-  
ліс,— төждысис Александра Петровна.— Пыр да  
сөйышт, а ме тайө көръястө местита.

— Сөйөмыд оз пышйы,— ышловзис Василиса  
Антоновна.— Сійө абу көрыд.

— Уна торйөдчөма?— өдва кывмөн юалис  
Александра Петровна. Сійө көсйис төдмавны көр-  
яс мунөм йылысь, и сэк жө быттьөкө полис кывны  
лоөмтор йылысь висьтсө.

— Еджыд көрпийд абу,— жалитөмпырысь  
шуис Василиса Антоновна да бергөдчис Миша-  
лань. Сійө эз көсйи юөртны та йылысь детинка-  
лы, но, буракө, сэсся эз нин вермы дзеднысө.

— Еджыд көрпи вошөма?— шөйөвошис детин-  
ка.— Еджыд көрпи... Збыль али мый, Василиса  
Антоновна.

— Збыль, Миша,— ышловзис зоотехник, сэсся  
здук кежлө думыштчыліс да өдйө копыртчис де-  
тинка дінө.— Но тэ эн шөгсы, аддзысяс еджыд  
көрпийд. Батьыд да Илья Иванович корсьны нин  
мунісны...

— А көинъясыс сійөс эз сөйны?

— Эз,— Василиса Антоновна малыштис Миша-  
өс юрөдыс.— Сійө өд абу өтнасөн, а мамыскөд.

Александра Петровна ноксис нин көръяс ді-  
нын. Сійө разис дадь вылө көрталөм көрөс, отсалис  
сылы чеччыны, сэсся нуөдіс чум сайө.

— Этатшөма парсалөмаось ад горшьяс,— көр-  
лысь ранасө видлалігөн увгис көиньяс вылө Миша-  
лөн мамыс.— Татшөм дойыд другөн оз бурд.

Василиса Антоновна көсйис мавтыштны рана-  
сө лекарствоөн, но друг сылы уси дум вылас, мый  
кад нин йитчыны колхозса радиостанциякөд. Сійө  
пырис чумө. Миша вөлі вөтчө сы бөрся, но не-  
кор лои.

Катшыс нима пон, коді локтіс көрьяс йир-  
сянінысь Василиса Антоновнакөд өтлаын, эраліг-  
тырйи кытшлаліс домйывса кыньпи гөгөр, дивуйт-  
чис ичөтик зверь вылө. А кыньпи йөжгыльтчөма  
майөг дорө да полігтырйи чатрасьө пон вылө.  
Миша казяліс Катшыслысь ноксьөмсө, кватитіс  
харей да көсйис уськөдчыны сы вылө, но бөрвыв-  
сьыс кыліс мамлысь скөр гөлөс:

— Шыбит харейсө!

Детинка дзикөдз вунөдчыліс, мый орччөн су-  
лалөны доддялөм көрьяс. А ветлан көрьяс сідзи  
нин велалөмаось, мый ләптисны кө харей, налы  
колө гөнитны. Мамыс муртса вевьяліс кутны  
көрьяссө. Харей пуктөм бөрын көрьяс пыр жө  
водалісны шойччыны.

Детинка чуньнас грөзитчис понлы:

— Тайөс вөрөдны, Катшыс, оз позь! Обидитан  
кө кыньписө, Илья дядь петкөдлас тэныд гаж!

А Катшыслы веськодь вөлі детинкалөн стрөжи-  
төмыс: мыйөн Миша ләдзис кисьыс кыньпиөс, пон  
бара нин мургис чумса выль олысь вылө.

— Эновт сійөс,— шуис Мишалы мамыс.— Скө-  
ралыштас, и бурасяс.

Детинкалы век кажитчис, мый коляс кө  
Катшыс ывлаө өтнасөн, виас кыньписө. Сійө  
весиг разис майөгысь домөдсө да көсйис зверь-

пиӧс пыртны чумӧ, но паныдасис Василиса Антоновнакӧд.

— Тэнад тай видзантор эм,— детинкаӧс юрӧдыс малыштис ныв.— А менам тэныд долыд юӧр эм. Васяыд локтӧ!

— Збыль?— ышмунис Миша.

— Дерт, збыль.

— Талун?— детинка дась вӧлі пыр жӧ котӧртны вокыслы паныд.— Кытчӧ пуксяс самолётыс? Татчӧ?

— Оз,— юрсӧ пыркӧдис зоотехник.— Самолётлы пуксынысӧ колӧ ыджыд да чорыд луд, а тани нюръяс.

Василиса Антоновна висьталіс, мый самолёттыс локтас Кара-Вом посёлокӧ, татысянь нелямын километр гӧгӧр сайӧ. А Кара-Вомыс сулалӧ дзик море берег дорын, Кара ю мӧдарын.

— Кыдзи Вася вуджас юсӧ?— чуймис Миша.

— Оз ӧд ӧтнас лок,— висьталіс Василиса Антоновна.— Аски асывнас мунам встречайтны.

— Аски жӧ и Вася локтас?

— Аски,— юрнас гогнитис зоотехник.

Миша кватитис мездорас кыньписӧ да уськӧдчис мамыс динӧ:

— Мамӧ! Вася локтӧ! Василиса Антоновна висьталіс! Кывлін?

Недыр мысти Василиса Антоновна мӧдис шоныда пасьтасыны. Тӧдчис, мый сийӧ вой кежлӧ.

— Шойччышт, ме ветла,— сувтӧдис сийӧс Александра Петровна.— Ме жӧ, кор мужичӧйяс вӧліны война вылын, нель во чӧж пастукалі.

— Меным, Александра Петровна, колӧ жӧ велӧдчыштны,— эз сӧгласитчы Василиса Антоновна.— Рытсӧ кӧть дежурита.

Миша вöйысис тшöтш мунны. Василиса Антоновна эз төд, мый шуны детинкалы.

— Мед ветлас,— шыасис Мишалөн мамыс.— Кыкөннад век нин гажаджык лоö. Важөн мян вокъяс та ыджадöн и заводитлисны уджавны көр дорад: оз кө копыртчы көрыс, кинас сюрöдзыс оз судзны.

Миша пасьталис маличасö, вöнялис тасма, код йылын öшалис лы воропа ичöтик пурт, да петис чумысь. Сийö ыджыд морт моз чеччöдис көръясöс, ачыс лöсьöдис доддясян сюмысьяс, шуйга кинас босьтис харей, веськыднас зэлöдис вöжжи да сувтис шуйгаладор дадь сюв вылö:

— Пуксы, Василиса Антоновна.

Зоотехник нюм тыра синъясөн мелиа видзöдлис детинка вылö, пуксис да кутчысис дадь дорышö. Көръяс ньöv моз лэбыштисны сён горув.

## КÖНÖСЬ ТІ, КÖРЪЯС?

Илья Иванович да Фёдор Михайлович, тундраöд прамöй ыджыд кытш вöчöм бöрын, бергöдчисны гортлань.

Первойсö, кор казялисны көръяслысь вошöм, найö эз думайтлыны мунны та ылнаö, көсийсны сöмын видзöдлыны матигöгöрысь. Та вöсна и мöдöдчисны öти дадюв вылын, прамöя сөйтöг, эз босьтны сьөрсьыныс ни сукар, ни яй тор.

А ветлыны лои дыр. Воасны верötя вылö, оз аддзыны көръясöс и вуджöны мöд верötяö, коймöдö... гашкö пö сысянь тыдовтчасны найö.

Бригадир да пастук вуджисны уна шор, ордйöдисны код төдас кымын ты, унаысь кыпöдчылисны

джуджыд мылькъяс йылö, но вошöм көръяс некөн эз тыдавны.

Кор нин дзикöдз мудзисны и көръясыс, и асьныс, Илья Иванович шуис бөр бергöдчыны.

— Мунам чумö да көръясöс корсыны асьсö мөдöдам, нямöдöс,— скöралис сийö Харитон вылö.— И мед син улö оз петкöдчы, кытчöдз оз вайöд...

— Татшöмторйыд вермас лоны быдöнкöд.— Фёдор Михайлович зилис дорйыны Харитонöс.— Первой случай али мый... Көръяс торйöдчывлисны и мукöд гожöмъясö... Тэнад и менам нэм чöжнад унаысь көръясыд пышйывлисны...

— Абу öткодь гожöм,— шуис бригадир да чöv ланьтис, но Фёдор Михайлович тöдис, мыйла сийö шуис буретш тадзи. Водз тулыснас, кор стада вöли вöраинын на, ёна ульдлис. Та бöрын камгис-кын-тис. Лым вылö артмис тронякылысь чарöм. Көръяслөн эз тырмы выныс перйыны чарöм улысь яласö, тшыгъялисны, омöльтчисны. Көръясöс спаситöм могысь пастукъяслы аслыныс ковмис дрöбитны чарöмсö, пöрлöдлыны коз пуяс, медым вердны лапъяс вылын öшалысь ройнас. Унакодь көр тшыгла дзикöдз вынтöммис да уси.

Мöд притча суис көръяслөн пианасигөн. Тундраын кыпöдчис зев кöдзыд бушков. Муртса кө прöзевайтан көр вайсьöмсö, слабиник васöд теляыс йизьö места вылас. Уна көрпи кули кöдзыд вöснаыс: чумад некымын сё выль чужысь телятö он шонты.

И, со, талун бара воштöмъяс.

— Корсям,— спокойной характера Фёдор Михайлович зилис бурöдны бригадирöс.— Талун оз сюрны, аски аддзам. Ветлам мукöд колхозъяслөн стадаö, эз-ö на ордö веськавны... А Харитон вылö

немтор надейтчыны. Ми кө ог аддзöй, сылы, дерт, оз нин сюрны. Сöмын кутас кадсö весьшөрö воштыны.

Лöz небесаöd уйысь шондi исковтiс горизонт-лань. Сылön алöй югөръясыс яра ломзбысь би моз пöртмасисны матыса тыясын, ворсiсны вежöдöм нöрыс бокъясын. Лөнъыштiс. И шуйгавылын, и веськыдвылын горзiсны дзодзөгъяс да уткаяс, нимкодясисны мича рытнас. Öти паськыд ты шöрын збоя плавайтiсны юсь пара, быттьökö видзöдчисны ваас да любуйтчисны асланыс мичлунön.

Оз унаысь овлыны тундраын татшöм мича рытъясыд. Öнi эськö кыпöдчыны джуджыдджык местаö, пуксыны и видзöдны, кызди шондыс лэччыштас увлань, видзöдчыштас войвывса паськыд мореас зеркалöö моз да гордитчигтырйи, мый сийö важсьыс на мича, бөр заводитас кыпöдчыны му весьтö. Пукавны эськö сийö гөра вылас да, ыджыдджыка лолыштлытöг, кывзыны уна лыда лэбачьяслысь уна пöлөс гөлөсөн сылөмсö.

Но мудз пастукъяслы эз вöv сыöдз.

— И кöнi сöмын олöны проклятöй кöинъясыс?— шензис Фёдор Михайлович.— Ни öти прамöйджык куст öд абу матигөгöрын. Мортлы дзесыны некытчö...

— Гашкö, кыньяс моз муас нин позтысьöны?— дöсадапырысь шыасис Илья Иванович.— Мед нин кык көрсö дзикöдз сөйисны, да сэсся эз волыны. Но наысь öд он на мын.

— Дерт на воласны,— шуис Фёдор Михайлович.

— Көркö асьсö тшöтш пышйöдасны, весиг омöлик пастукыд оз ло,— Илья Иванович зургис харейнас шөр быклы, шуйгаладорсаыслы кучкис

коскас. Төдчис, мый сылөн сьөлөмыс пуөмөн-пуө, асывсяньыс нин оз вермы инас өшйыны.

Фёдор Михайлович ачыс унаысь жө скөрмывлө Харитон вылө, но сэк жө мыйлакө жалитө сийөс. Оз быд мортлы кажитчы пастуклөн сьөкыд уджыс. Мукодыс петасны тундраө и заводитасны няргыны, а сэсся пышйоны. Харитон оз норась сьөкылдунъяс вылө, вөчө, мый тшөктасны. Дерт, оз төдчы сылөн аслас водзмөстчөм, но мый нин вөчан, кор сылы чужан лунсяньыс абу вичмөма йөзлөн кодь сямыс. Көть Харитон абу нин том, Фёдор Михайлович лыддьө, мый тайө кадөн прөйдитас.

— Харитонөс колө велөдны,— шуис Фёдор Михайлович.— Сыысь вермас на пастук артыны...

— Öдвакө, Фёдор,— ышловзис Илья Иванович да зелөдис вөжжисө. Көрьяс сувтисны.

— Куритчам,— шуис бригадир.

— Куритчам,— сөгласитчис пастук.

— Ме өни войяс ог узь, ку пытшкө ог төр,— кыз чигарка гартыштөм бөрын дөжнасис бригадир.— Дзормыны кути, а татшөм позорсө ог на помнит...

— Тэ мый йылысь?— торкис Фёдор Михайлович.

— Көр видзисяслөн совещание вылын сёрни-ой оз вешйив юрысь. Сэни сеті кыв: «Звезда» колхозса пастукъяс таво сохранитам гырысь көрьяслысь өкмысдас сизим процентсө, быдтам быд сё энь көрлысь өкмысдас вит теля. Казытышта өни та йылысь да морт вылө видзөдны ог вермы, яндзим сотө. Воам арнас гортө и шуасны: чурки-буди, эн на кө аддзылөй больгысьөс, видзөдөй Артеев вылө.

И тайö сэк, кор мян район мөд во нин кутö Коми республикаын первой места.

— Эз öд сöмын öтнанымлы кучкы лёк тулысыс,— шуис Фёдор Михайлович.— Навернö и мукöдъяслөн абу бурджыкөсь делöясыс.

— Тайö оз кокнöд,— вочавидзис Илья Иванович. Куритчöм бöрын найö сувтлытöг нин гөнитисны асланыс стада дорöдз. Ылысянь тыдовтчисны йирсысь көръяс. Найö кажитчисны жуысь кодзувкотьясөн. Стадаö воигөн локтысьяс аддзисны Василиса Антоновнаös да Мишаös.

— Кыкөнöсь?— видзöдлис на вылö Илья Иванович да юалис:— А кöни Харитоныс?

— Чумын,— веськодя шуис Василиса Антоновна, а Миша содтис:

— Узьö, асывсянныс на...

— Вот ошкыд!— Илья Иванович сьöлыштис да бергöдчис мөдарö.— Стадаын беда, а сылы веськодь.

— А самолётыд локтö нин,— шуис Миша.

— Эм радиограмма?— Илья дядь бергöдчис Василиса Антоновналянь.

Зоотехник гогнитис юрнас.

Тайö юöрсö бригадир важөн виччысис, но эз чайт, мый воас буретш талун. Дежуритöмысь да вошöм көръяс корсьöмысь öтдор колö ыстыны кык мортöс Кара-Вомö встретитны тундраö локтысьясös, пöлучитны стадалы ыстөм почта, книгаяс, медикаментьяс.

Илья дядь кутис юасыны, кодлы ветлыны Кара-Вомö. Сулалис кö посёлокыс Карскöй губа таладоры, позис ветлыны öткөн. Но ва вомөн посёлокö вуджалігкостти öти мортлы лöк кольччывны көръяс дінö. Оз позь кольны найös öтнанысö.

Отсӧгласӧн шуисны ветлыны Кара-Вомӧ Василиса Антоновналы. Сылы тӧварыш пыдди индӧсны Харитонӧс, кодысь пӧ стадаын абу жӧ ыджыд пӧльзаыс.

Мишалы окота вӧлі тшӧтш ветлыны самолёт дорӧ, но полӧс вӧзйысьны. Да и ачыс эз ёна надейтчы, мый сійӧс ыстасны Харитон пыдди.

— Сідзкӧ, ветлам, сёйыштам, и, чурки-буди, заводитам йӧрасьны, медым войся лысва вывтӧыс воштысьны местаӧ,— Василиса Антоновна вылӧ видзӧдліс Илья дядь,— стадасӧ нуӧдам чум дорӧ. Сідзи вӧчам?

— Ковмас, дерт, нуӧдны,— вочавидзис Фёдор Михайлович.— Ми тӧкӧд мунам да ужнайтам, а найӧ мед локтӧны ньӧжйӧникӧн,— сійӧ индӧс Василиса Антоновна да Миша вылӧ.

## ЙӦРАСЬӦМ

Стада вешйис чумлань. Сёнӧ разӧдчӧм кӧръяс жӧдзисны места вылас, зытласисны ӧта-мӧдыскӧд. Энь кӧръяс руксисны, чуксалӧсны дінас телясӧс, бӧрӧ-водзӧ котралӧсны. Бокисянь стада вылӧ видзӧдӧгӧн кажитчис, мый татӧ визувтӧ тувсов ытва. А кӧръяслӧн вожӧсь сюръясыс лӧптысьӧмаӧсь вывланьӧ кыз рас моз. И тайӧ расыс быттьӧкӧ дзоньнас копрасьӧ вына бушколысь.

Кодыр ӧти либӧ гоз-мӧд кӧр торйӧдчӧны да заводитӧны котӧртны бокӧ, кӧр видзысь понъяс пановтӧны найӧс да бӧр вайӧдӧны стадаӧ. Кӧръяс полӧны понъясысь, мисьтӧма букшасьӧны на вылӧ.



Мужчинаяс мунөм бөрын Миша ыджыд морт моз пуксис дадь ыло да, көръясөс прамөя тэрмөд-лөмөн, некымынысь кытшовтис стада гөгөр.

— Эн тэрмась!— велөдис сийөс Василиса Антоновна. Детинка эз кывзысь. Сылы окота лэбны сідзи, медым пель водзын шутьляліс төв.

Но артмис сэтшөмтор, мыйысь век полис Василиса Антоновна. Верөтя вывсянь сөн гуранлань өдйө лэччигөн дадь кыпавліс ыджыд вутш ыло, лөкысь катовтчыліс, Миша эз вермы кутчысьны, увлань юрөн зутшкысис муө. Харей лөкысь швачкөбтис сылы ныр-вомас, но детинка эз лэдз кысь вөжжисө. Көръяс крута шыбитчисны шуйгавыв да сувтисны.

Василиса Антоновна вөлі Миша дінсянь прамөй ылын. Кор сийө казяліс детинкалысь усьөмсө, мый вынсьыс мөдис котөртны сы дінө.

— Мый тэкөд?— повзис ныв, кор аддзис детинкалысь вир-сермунөм чужөмсө.

— Харейөн сетыштис,— Миша малаліс чужөмсө.

— Эн нирт!— велөдіс Василиса Антоновна. Сійö зэв өдйö пөрччис чышъянсö да помнас чыш-каліс вирсö. Сэсса нуөдліс детинкаөс ты дорö да сэні мичаа мыськис чужөмсö. Мыссьөм бöрын локтісны дадь дорö. Василиса Антоновна босьтіс сэтысь воль, кодөс шлапкывлөны пуклөс вылө, да паськөдіс муö. Миша водіс вывланьö чужөмөн.

— Ме өд шулі, мися, оз ков өдйö вөтлыны көръястө,— дивитыштис Василиса Антоновна.— Бур, мый мынін кокниа усьөмөн... Тадзи и ки-кок-тө позьö чегны.

— Оз нин вись,— чужөмсö малыштіс Миша.— Сөмын некодлы эн висьталөй усьлөм йылысь.

— Мыйла нө соссыны?

— Серавны кутасны,— ышловзис Миша.

— Ог висьтав,— лөз синъяснас нюммунис Василиса Антоновна.— Сөмын пола, асьныс ка-зяласны.

— Оз казьявны!— эскөдіс детинка.— Водзö вы-лө ме кута кывзысьны.

Чум дорын виччысисны стадасö. Мишалөн батьыс да Илья дядь пукалісны дадь вылын орччөн да куритчисны. Харитон вөлі водöма кымыньөн веськыда му вылас да, гыррдзаяс вылас лэччысьө-мөн, ситурун помөн гудйö пиньсö, ёна думайтö мыйкö.

Көръяс воисны чумбердса паськыд луд вылө.

— Заводитам йöрасьны,— чеччис Илья дядь.

Миша бергаліс гырысьяс дінын. Сійö важөн төдіс, мый йöрасьөмөн шусьö көръясөс куталөм.

Кытчөкө мөдөдчөм водзвылын, кор колö дод-дьясьны, торйөдөны стадаысь ветлыны велөдөм быкъясөс, куталөны найөс. А тайö — абу кокни-тор, кызди кажитчө первойсö.

Колө пуктыны уна вын, медем велөдны том көръясөс ветлыны дадюлын. Первойсө найөс нов-лөдлөны подөн, сюмеы поводөн сылөдыс домалө-мөн. Сэсся бура дыр том көръяс ветлөны дадь бөрся. Сөмын та бөрын найөс доддялөны пөрысь быкъяскөд өтлаын. Но ылөдз оз мунны, а ньөжйө-никөн кытшлалөны чум гөгөр.

Но медся сьөкыдыс водзын на. Колө велөдны том көрөс сувтны йөрө, мөд ногөн кө, торйөдчыны өстальнөй стадаысь.

Миша радейтө йөрасьөмсө. Сэки дона быд морт. Йөрасигөн чумын некод оз кольлы, весиг ичөтъяс тшөтш отсасьоны. Со и өни детинка өдийө кватитис гез мөтөк да заводитис разыны сийөс.

Бать, Илья дядь да Харитон босьтисны харей-яс да, наөн шенасигтырйи, кутисны торйөдны ста-дасө кык пельө, горзыны: «Хой! Хой!» Велөдтөм көръяс лыйыштисны-пышйисны чум дорысь. На-көд өтлаын заводитлисны мунны и омөля на вела-лөм быкъяс, но пастукъяс паныдавлисны найөс харейясөн, эз лэдзны пышйынысө.

Кор колис чум дорө стадалөн неыджыд юкөн, Василиса Антоновна, Миша да сылөн мамыс өдийө кытшалисны көръясөс кузь гезйөн, вөчисны по-тшөс кодьөс. Та бөрын пастукъяс пырисны йөр пытшкө да кутисны бөрыны сэтшөм быкъясөс, кодьяс колөны.

Мукөд дырйиыс Миша и ачыс тшөтш пыравлө көръяс костө да горзывлө: «Хой! Хой!» Сийө вөли век радейтө матыстчывны көч кодь еджыд көрпи динө. Но ичөт көр вөли оз шедөдчы, төв ныр моз лэбалө мамыс бөрся.

Но талун еджыд көрпи эз вөв. Аддзыяс-ө сийө — некод эз төд. Бать да Илья дядь корсисны

нин көръясөс быдса лун и эз аддзыны. Мишалы оз удайтчы петкөдлыны Вася вокыслы еджыд көрпийс.

Быкъясөс куталом бөрын мужчинаяс заводитисны лөсьодавны дадыяс да доддьясыны. Василиса Антоновна да Александра Петровна пырисны чумс, а на бөрся вөтчис Миша.

Мамыс вештис шөрланьö ляпкыдик кокъяса ичөтик пызан, тасьтйö лэпталис пөртйысь гырысь яй кусөкъяс, мешөкысь перйис рудзөг сукар.

— Мужикъяс ужнайтисны нин. Сөй, Антоновна, туйö петом водзвылын крепыджыка. Пөт кыномнад кузь туйыд дженьыдджык.

— Дыр ог ветлөй. Оз кө ковмы виччысыны самолөтсö, аски рытланьыс бөр воам.

Мам чатөртлис юрсö чумвесьтса розь вылө, кыты тыдалис пемыдлөз енэжыс. И сы вөсна, мый небесаыс вөли чистөй да кымөртөм, нинөм эз шу.

Василиса Антоновна пөрчысис да пызан сайö пуксьытөдз мыссис, ичөтик зеркалө водзын гартис руд көсасö. Сэсся вежис ковтасö, перйис ящикысь коричневөй рөма жакет, пыркөдис щөткаөн.

Мишалөн мамыс матыстчис Василиса Антоновналань да шөпнитис пель водзас:

— Тэ сөмын Харитонтö ас дорсьыд ылö эн лэдз. Абу сы вылө ыджыд надеяыс. Висьталöны, винатö ёна радейтöма. А Кара-Вомад магазинъяс...

— Тöда ме, Петровна, та йылысь,— гусьöникөн жö вочавидзис Василиса Антоновна.

— Бурджык эськө вөли Ильялы аслыс ветлыны...

— Көръяс кө эз пышйыны,— шуис Василиса Антоновна да друг ланьтис: воссис чум өдзөслөн туййодыс. Ывласянь пырис Харитон. Сийö вөли

маличатом ни пинжактом, лосьодчис бритчыны. А чужомыс сылон збыльысь дыр нин абу аддзывлёма бритвасо: быдмома чунь вомлос кузя кузь тош.

Харитон кисьтыштіс кружкао пось ва, корис Василиса Антоновналысь зеркалоо да, кыв ни джын шутог, бор петіс чумысь.

Ныв колльодіс сійос синьяснас, сэсса нюмдіс:

— Янгасов воччыны думыштома. Не ко муномыд, дерт, толысь куимто эз на бритчы.

Мишалон сёйсис нин, но чола пукаліс пызан пельосын да кывзіс гырысьяслысь сёрнисо. Харитонос сійо оз радейт. Та вёсна весиг нимкодясьо, шуас ко кодко омоль кыв тайо пастук йывсьыс. Харитон ко мунас стадаысь, Миша шогсьыны оз кут: сы пыдди колхозысь мод мортос мододасны.

Мамыс казяліс детинкалысь чошьяломсо.

— Босьт гоз-мод яй тор, петкод кыньпыидлы,— шуис сійо.— Вайин ко видзанторйос — верд, эн мучит.

Детинка дышпырысь босьтіс тасьті да петіс чумысь. Мунысьяслы бать да Илья дядь доддяломаось нин корьясос, сувтодомаось чум бердо. Оні Илья дядь лэччома сеню, коні йирсьо стада, а бать лосьодло дадыас выло вольяс, медым небыдджык вөлі пукавны.

Харитон, кыдзи пыр, дыр эз кыпав. Дадь бердо пидзосчанысьомон сійо чарсйис-бритіс гөрд тошсө, тэрмасьтог мыссис, пасьтасис, гоз-модысь пыраліс чумо.

Маличаасьом бөрын Харитон ещю отчыдысь косавліс чумо да петкодіс балагансьыс ёкмыльо гартыштөм ной кышан.

— Зэрысь полан? — казяліс Василиса.

— Оз мешайтчы, — вомгорулас нурбыльтіс Харитон, пунктіс ёкмыльсё доддын куйлысь воль улё да зёлөдіс сюмысьясөн. Сійё, дерт, эз видзчысь зэрысь, эз пов кётасьёмысь. Сылы вёлі колёны ной кышан пытшкё гартыштём пыжикъяс — кёрпьянлён кучикъяс. И вёлі рад, мый некод эз казавлы пыжикъяс нуёмсё.

Василиса Антоновна да Харитон петісны туйё вой шөр гөгёрын, кор войвыв морелань исковтлысь шонді бөр нин лёсьөдчис кыпөдчыны тундра весьтё. Заводитчис выль лун. Но Мишалы кажитчис, мый вывті ньөжйё воө тайё луныс. Сылы эз терпитсы аддзысьны ыджыдджык вокыскөд.

## САМОЛЁТ ЛЭБӨ ВОЙВЫЛӨ

Дыр лои виччысьны Вася Валеялы тундраё мунём. Бура важён нин помассис велөдчан во, заводитчисны гожся каникулъяс, а самолёт пыр на эз вөв.

А быд пөрийё, кор Васялы усьлө дум вылас тундра, сёлөмыс заводитлө чеччыштны места вывсьыс. Детинка сәні чужис да оліс сизим арөсөдз. Көть коли нин интернатё локтөмсянь кык во, детинкалөн эз вунны паськыд тыясын купайтчысь юсьяс, тундраөд төвзысь тэрыб көръяс, чум шөрын трачкөдчысь бипур да сы дінын ноксьысь мамыс. Мед абуөсь сәні интернатын кодь койкаяс, еджыд занавесьяс, прамөй пызанъяс да улөсьяс, но Васялы муса вёлі тундраса олөмыс.

Өти рытё, кор ичөт Валея мачасис ас коддьөмыскөд интернат өшиньулын, сы дінө матыстчис воспитатель да юөртис, мый тундраё лэбзё самолёт.

Васялы эз дыр ковмы чукөртчыны туйө. Мөд лунна сийө вөлі нин аэропортын. Ещө некымын час, и детинка воас рөднөй чумө.

Өні Вася Валеј медся ёна поліс поводдя омөльтчөмысь, а лётчикъяс, кыдзи нарошнө, эз тэрмасьны. Самолётө грузитісны письмөяс да газет тыра мешөкъяс, пачкаясө көртавлөм книгаяс, посьныдик фанернөй ящикъяс — пөсылкаяс.

Вася сулаліс самолётысь неуна бокинджык да виччысис, кор сийөс чукөстасны пуксьыны. Лётчикъяс төдісны нин, мый детинка лэбө тундраө. Самолётса командирыс — лөз кителя да зарни герба картуза дядьө — весиг шутитыштис ськөд: парашютөн пө тэнө чеччыштөдам веськыда чум бокад. Вася эз повзы, висьталіс, мый стадаын төдөны самолёт локтөм йылысь, сыла воласны көръясөн. Васялы тадзи висьталісны колхоз правлениеын.

Самолёт кыпөдчис лун шөр гөгөрын нин. Васяысь кындзи, лэбөны почта вылын уджалысьяс, орча стадаясө дядьөяс. Сөмын «Звезда» колхозса фермаө Вася лэбө өтнасөн. Председательыс көсйысис воыны сёрөнджык, көр видзысьяслөн гоҗся праздник кеҗлө, коді овывлө август төлысь заводитчигөн.

Вася помнитө, кутшөм гажа овлө тундраын тайө праздникис. Сэки матігөгөрса некымын стадаысь уджалысьяс чукөртчөны өтилаө, мичаджык местаө да сәні лунтыр гажөдчөны: көръясөн ордйысьөны, чер да аркан шыблалөны, дадыяс вомөн чеччалөны, сьылөны да йөктөны. Медся бур көр видзысьяслы премияяс сөтавлөны.

Өні Вася пукалө самолёт стен бердө вөчөм көрт лабичын да, став тушанас бергөдчөмөн, ви-

дзодö öшиньö. Рөвнöя жургöны моторьяс. Вася кывзысьö налөн шыö, и сылы кажитчö, мый моторьясыс ворсöны кутшöмкö долыд сыланкыв. И любöй сыланкывлы, кодöс тöдö Вася, лöсялö тайö музыкаыс.

«Регыд воам стадаö, регыд воам чумö»,— заводитлис шöпкөдны детинка, и самолётлөн моторьясыс кылисны татшöм жö шыяс.

Самолёт бордьяс улын заводитчö помасьлытöм тундра. Öтилаян сийö веж, мöдлаян руд, коймöд-лаян виж. Тайö — нюрьяс вежласьöны лудьяс-көд, из гöраяскөд. Но некөн матигөгöрын оз тыда-ны ни посёлокьяс, ни сиктьяс, ни туйяс. Сöмын Печора юлөн кутшöмкö вож дыр на вöтчö самолёт бöрся, а сэсся медбöрын и сийö дзыкөдз векняммö да вошö тундраса лыдтöм тыяс пöвстö.

Со кельыдлöz рöма ыджыд ты шöрын тыдалö-ны еджыд чутьяс, быттьökö йиторьяс. Тайö пла-вайтöны лым кодь еджыд юсьяс. Тысянь тыö лэб-зьöны муртса синьяслы тöдчысь сьод чутьяс. Тайö утка кельöбьяс. А мыйта олысьяс дзебсясьöны вежöдöм турун пöвстын!

Васялы син улас уси ёсь йыла öтка чум. И тайö здукас сылөн сьölöмыс ыркмуні радысла.

— Чум! Чум!— артмис сылөн сэтшöм гора, мый кылисны соседьяс.

— Чум,— бергöдчис детинкалань почтаса ра-ботник.— Гашкö, тиян, «Звезда» колхозлөн?

— Ог тöд,— Вася лясöдiс öшинь стеклö бердö сiдз нин чангыля нырсö. Сийö аддзис кöрьясöс, кодьяс кажитчисны öтчукөрö сапкысьöм номьяс кодьөн. Но тöдан öмöй самолётсянь, кодлөн найö. Тундраын ветлöны уна колхозьяслөн стадаяс, уна öткодь чумьяс сулалöны. «Мишалы, көнкö, вись-

талісны нин самолёт локтөм йылысь и сійö виччысьö менö,— думайтис Вася.— Көнкө, быдмыштіс нин...»

Недыр мысти тыдовтчис и Войвывса море. Сылөн кельыдлöz ва весьтын кыпалісны еджыд гөраяс. Карскöй море вывті плавайтісны йи пластьяс, кодъяс оз сывлыны весиг гожөм шөрнас.

Сэні, көні помасьö тундраыс да заводитчö лöz море, самолёт вöчис ыджыд кытш да кутіс ньöжйөнникөн лэччыны увлань. Сійö катовтчыліс то öтарö, то мөдарö. Вася кыкнан кинас кутчысис лабич дорышö, мед не усьны кок улын куйлысь пöсылкаяс да ящикъяс вылö. Сэсса кыліс, кызди самолётлөн көлесааясыс инмисны муö, тюрисны площадька вывті.

Пилотъяслөн кабинаысь петіс öти лётчик.

— Воим,— шуис сійö пассажиръяслы, матыстчис Вася дінö да чабыртліс кинас сылысь сьöd юрсисö.— Аддзылін чумсö?

— Аддзылі!

— Көсйим тэнö сэтчö парашютөн лэдзны да жалным петіс: мися, смеллуныд оз тырмы. А весьшөрö жалитсьöма. Öні тэ кызди воөдчан чумөдзыд? Петан тундраö — пыр и вошан.

— Ог вош,— збоа вочавидзис Вася.— Көръясөн бать волас паныд.

— Батьыд жö оз тöд тэнсьыд локтөмтö?

— Төдö. Сылы радиограмма сетісны,— сьöd синъяссö читкыртліс Вася.— Батьö локтас паныд.

— Видзөдлам,— лётчик копыртліс юрсö, сэсса восьтіс самолётлысь öдзöс, лэдзис увлань ичөтик көрт пос да лэччис муö.

Лётчик бөрся петіс и Вася. Воздухөд локтөмысь бергөдчис юрыс, шатлөдліс. Сійö здук-мөд

сулыштис места вылас, сэсся босьтис чемодансö да веськöдчис аэропортлань.

Небесаын дзирдалис син ёрысь шонди, но сынöдыс вöли ыркыд. Йиа моресянь пöльтысь төв сетис төдны ас йывсыйс.

Но сэк жö Васялы вöли зэв долыд сьöлөм вылас сыысь, мый сийö öни абу нин сиктын, а тундраын. Тані вöли Уса ю дорын серти ставыс мөд пөлөс: и воздухыс, и местаыс. Но ставыс тайö вöли важысянь төдсаөн, сьöлөм вөрзьöдмөн 'мусаөн, матыссаөн.

Кор Вася ньöжйöник восьлалис портлань да чатрасис öтарö-мөдарö, кылис, кызди кодкö чукöстис сийöс. Детинка сувтис.

— Вася! Василий!— бөрвылын чуксалис нывбаба гөлөс.

Детинка бергöдис юрсö да синнас коресьыштис, и друг аддзис Василиса Антоновнаöс. Да, тайö вöли налөн стадаысь зоотехник. Көть найö тундраын öтлаын эз на овлыны, но төдисны öта-мөдсö. Карын велөдчигөн зоотехник волевлис ас сиктас төвся каникуляс дырйи. Аддзысьлисны найö и төвнас, кор Вася лун-мөд кежлö волевлис чумö.

— Василиса Антоновна!— нывлы воча уськөдчис Вася.— Тайö ме!

— Аддза,— серöктис Чупрова.— Пöшти асывсаяныс виччыся... Видза олан!

— А көни батьö?— юалис Вася да гөгөр видзöдлис. Детинка öнөдз век думайтис, мый сылы паныд батыс локтас. Весиг вötөн аддзывлис, кызди сийö встречайтö Васяöс.

Ныв висьталис, мый батыс эз эшты локны, найö воисны Харитонкөд, кодi кольччис көръяс динö Кара ю сайö.

— Кымын дадюлөн воинныд? — юалис детинка.

— Кыкөн, — шуис зоотехник. — Тэ мун портас, пукушт, а ме пöлучита почта, ещö мыйсюрö да локта.

Но детинкалы эз пукавсыы места вылас, жöдзис зоотехник бöрся, зилис отсавны сылы. Да и вермис-ö сийö лоны спокойнойöн, кор пуксис нин тундраö, а гоз-мöд час мысти воас бать-мамыс динö — рöднöй стадаö.

Кор лои босьтöма став воöмторсö, Вася да Василиса Антоновна мунисны посёлокö. Öнi коли сöмын стадаö мöдöдчыны. Но абу кокни вöлöм петны Кара-Вомсянь. Медым веськавны ю сайö, колö пыж. Йöзлысь сийöс он босьт, ни он кор быд мортöс перевозщичайтны. Таладорö Василиса Антоновнаöс вуджöдисны чери кыйысьяс пöпуттьö, а кызди воштысьны бöрсö — эз тöд.

Поводдя, кызди нарошнö, заводитис омöльтчыны. Да и нинöм танi эз вöв виччысьтöмыс. Василиса регыд на олö тундраын, а вевъялис нин тöдмавны войвывса поводдятö, кодi дзик жö капризнöй кага кодь — öти луннас дасысь вежсылö.

Небесалөн войвыв юкөнныс, көнi сийö öтлаасьö помтöм-дортöм йиа океанкöд, тупкысис нин пемыд кымөрөн. Сыладорсянь жö пушкис-пöльтис чизыр тöv. Катерьяс либö пыжаяс, кодъяскöд öнi позис пöпуттьö воöдчыны мöдар берегöдз, эз вöвны.

«Мый вöчны?» — та йылысь öнi мövпалисны зоотехник да Вася Валея. Пырны кутшöмкö керкаö и корны вуджöдны — эз решайтчыны. Эз вöв лöсьыд беспокоитны тöдтöм йöзöс. Шуисны виччысьлыны берег дорын.

Моресянь шыбитöм кер вылын пукалiгмоз Василиса Антоновна лыддис сылы воöм письмöяс,

сэсса заводитіс юасыны детинкалысь, кыдзи олоны колхозын, мый сэні выльыс, ветлывлө-ө кытчөкө сылөн пöрысь мамыс. Висьтасис, мый ёна нин бырöма гажыс став сиктсаысь.

Но сэк жö Василиса Антоновна оз-оз да и казътыштас детинкалы тундраса олөм йылысь, весиг висьталіс ичөтик кынь йылысь, кодөн ноксьö Миша тайö лунъясö.

Тадзи найö пукалісны ещö вель дыр на, а кор пöпутчикъяскөд вуджөм вылө эз ло некутшөм надея, Василиса Антоновна мөдөдчис отсөг корны татчөс колхоз правлениеö.

«Татчөс колхозын эмөсь жö көр видзысьясыс,— думайтис сійö.— Найö гөгөрвоасны тундраөд ветлысьяслысь сьökыдлунсö».

Вася кольччыліс көлуй дорö, но эз дыр ковмы өтнаслы виччысьны. Василиса Антоновна локтис еджыд тошка пöлькөд. Пöль важиник маличаа, вөнясьöма паськыд тасмаөн, кузь гөленя төбөкъяса.

Вася казяліс, мый бокисянныс сійö дзик Степан пöль кодь, кодкөд детинка дыр кад овліс öти чумын. Сэтшөм жö пелькиник тушаа, гөрбыльтчыштöма. Весиг сылөн кизьöриник усьясыс öшійöма-өсь вомкөтш весьтас Степан пöльлөн моз жö.

Степан пöль öні оз нин уджав тундраын, олө сиктын. Колхоз сылы сетіс пенсия: тырмас пö сэсса тэныд көръяс дінын ветлыны, шойччы. Сы пыдди ыстисны стадаö Харитонөс.

— Та дыра виччысьны оз позь,— ропкис Кара-Вомса пöль.— Менам аслам моторка. Колі юавны Сядейөс. Пöрысь Сядейлөн удж абу. Төдіс кө сійö, важөн эськө вöлінныд мөдарас. И колхоз правлениеö шыөдчөм эз ков.

— Эз вöv лөсьыд йөзсө беспокоитны,— шуис Василиса Антоновна.

— Зэв лөсьыд,— пöль лэччис ва бердын суладысь пыжлань.— Асьным коркө том дырйи корьяс дорын уджавлим, төдам тундраса олөмтө. Ваыд — ва и эм, он котөрт сы вывтi. Абу лөсьыд сөмын, мый чай ютөг туйө петанныд, тэрмасынныд. Старука эськө өти здукөн пузьөдыштис.— Сэссия сийө пырис пыжө, тшөктис пуксыны вуджысыяслы.

Мөдар берегө воөм бөрын Василиса Антоновна дыр аттьөалис пөльөс, весиг перйис зепсыс денъга да чургөдис сылы, но сийө кинас и кокнас өткажитчис.

— Сядей абу сэтшөм. Пикө воөм йөзлысь дон оз босьт,— юрнас пыркөдис пөль, өвтчис кияснас. Отсалис чеччыны вуджысыяслы да тэрыба бөр мөдөдчис гортланыс.— Водзланьө шыасьлөй. Пөрысь Сядей оз нин уджав. Сийө век гортас.

— Аттьө, пөльө!— Василиса Антоновна ещө өтчыдысь өвтыштис кинас стариклы, босьтис киняулас көлуйсө да кайис буджөд йылө. Детинка вөтчис сы бөрся.

## КЫТЧӨ ВОШИС ХАРИТОН?

Көрьяс вөліны Кара ю берегсянь комын-нелямын воськов сайын, но Харитон, кодi кольччылис видзны найөс, некөн эз тыдав, көть танi и сайөдчыштнысө некытчө.

— Көнi нө сийө?— кутис чатрасьны Василиса Антоновна.— Шутитө кө-а? Либө узьсө?

— Гашкө, мунис кытчөкө?— Вася тшөтш мөдис видзөдны.

— Кытчө сылы муннысö, кор матигөгöрын абу некутшöм олысь.

— Кыйсьыны мунис тыяс дорö...

— Сылөн дышлунөн. Да и ружьеыс абу.

Матыстчисны дадьяс дорö. Унджык көръяс водöмаöсь, гоз-мөд сулалöны юрсö лэдзöмөн, дышпырысь видзөдöны йöз вылö. Кыкнан дадь вылын лöсьыда вольсалöма көр вольяс. Вася уна быкöс на помнитö нимнаныс, та вöсна сылы кажитчис, быттьökö воис нин гортас.

— Харитон аслас даддын нуас көлуйнымöс, а ми тэкөд сöлам мөд даддяс,— шуис Василиса Антоновна да кутис тэчны самолётөн воём ёкмыльяс-сö да посныдик ящикъяссö.

Та бöрын сийö бура ылөдз ветлис берег пöлөн первой öтарö, сэсся мөдарö, бара локтис да пуксис дадь вылö. А Васялөн гажыс бырöма көръясысь. Сийö копрасис на динын, мелиа малалис налысь небыд гöна сылъяссö, паськыд вожъяса кузь сюръяссö.

— Гашкö, унмовсис кытчökö?— бара чеччис Василиса Антоновна да кытшовтис матигөгöрса верötяяс вывти.

Харитон збыльысь вермис узьны. Но мыйла сылы мунны кытчökö бокö? Позис меститчыны дадьяс вылö либö муас, позис воль вылö водны да вольөн жö шебрасьны.

— Ха-ри-тон!— мый вынсьыс горöдис Василиса Антоновна, но паськыд тундраын сылөн гөлöсыс вöли мореö шыбитöм галька из кодьөн: некодöс эз вөрзьöd, некытчö эз паськав.

— Ха-ри-тон! Ха-ри-тон! Ян-га-сов!— Заводитисны горзыны кыкөн, но и тайö эз отсав. Тундра вöли немöйөн.

Василиса Антоновна пуксис дадь вылө да думьштчис. Татчө воигөн найө петисны войнас, рөдтисны да частө сувтавлисны, медым лолыштөдны көръяссө. Быд сувтлгөн вежсылысны мунан местанас: то Харитон аслас көръясөн водзын рөдтыштас, то Василиса сы водзвылын петалас. Ас костын сёрнитисны этша. Юалан мыйкө Харитонлысь — вочавидзас, он кө юав — вомсө оз восьты. А ёнасө сёрнитны, торйөн нин Харитонлөн мыж вөсна вошөм көръяс бөрын, Василисалы эз вөв окота.

Воисны Кара ю дорө, кор мөдлапөвса керкаясын заводитисны тшынасьны пач трубаяс. Думайтисны, кызди вуджны ва вомөн. Но час мысти отсалисны Кара посёлокысь пыжаяс, кодъяс ветлөмаөсь вой кежлас чери кыйны.

«Кодным вуджавлам?» — юалис Василиса Антоновна, көть эськө Илья Ивановичсянь вөлі нин та йылысь стөч индөд. «Тэ, дерт, — коса нурбыльтис Харитон. — Нинөмла мен вуджавнысө».

Василиса весиг эз гөгөрво Харитон кывъясысь: радуйтчө сійө али шөгсьө.

Сөмын өні лои төдса, мый Харитон абу мөдар берегын, и оз төдны, кытчө сійө воштысис. Василиса Антоновналы усины дум вылас Александра Петровналөн кывъясысь: «Сөмын Харитонтө ас дорсыд эн лэдз. Абу сы вылө ыджыд надеяыс. Висьталөны, винатө ёна радейтлөма. А Караад магазиньяс...»

И Василиса Антоновна быттьө садьмис узянинысь: «Со мыйын делөыс. А ме ветлөдла тані да йөй моз виччыся. Менам мунөм бөрын Харитон, тыдалө, вуджөма ю сайө, и өні, төдөмысь, юө кушөмкө ас кодыс другьяскөд».

Ныв ышловзис да бара кутіс думайтны. Мыжа өмөй сійө Харитонлөн мунөмысь. Харитон — абу көр: сьыліөдыс дадь дінө он домав.

Сэсса сійө скөрысь чеччыштіс места вывсьыс, локтіс Вася дінө да веськыда видзөдліс сьлөн сьөд синьясө:

— Вася, көръясөн веськөдлыны кужан?

— Кужа, дерт,— нюмдіс Вася. Сылы весиг кажитчис тешкодьөн тайө юалөмыс.

— Пуксьы даддяс да вөтчы ме бөрся!

— А Харитоныс?— гөгөрвотөг юалис Вася.— Татчө кольччас али мый? Аски волам сыла?

— Ог волөй. Горшсө пөткөдас, воас,— скөрмөмпырысь вочавидзис Василиса Антоновна.— Гашкө, сылы ковмас та вылө кык либө куим сутки. Некор миянлы виччысьнысө. Асьным сөйтөмөсь, и көръяс тшыгөсь. Мед подөн локтө!

Вася чөв оліс, эз төд, мый вочавидзны. Сылы эз вөв окота эновтны Харитонөс. Но сэк жө сьөлөмыс магнитөн моз кыскис гортас, бать-мам дінас. Кымын өдйө воөдчасны на дінө, сьымын бурджык.

Детинка матыстчис дадь дінө, чеччөдіс көръясөс, лөсьөдіс доддясян сьумысьяс, веськыд кио гартыштіс вөжжились помсө.

Василиса Антоновна сюся видзөдіс детинка бөрся и лои дөвөлен, мый ставсө сійө вөчис ыджыд морт моз.

— Молодец!— ныв ошкыштіс Васяөс.— Тэкөд пикө ог воөй.

Харитонлөн харейыс вөлі ас кодыс жө сьөккыд. Сійөс босьтіс Василиса Антоновна, а детинкалы сетіс асьыс, коді вөлі дженьыдджык да вөсньыдджык. Тайө харейсө төвнас на вөчис Илья Иванович нарoшнө Василиса Антоновналы.

— Сөмын кут крепыдджыка, муас эн сатшод,— Васяос велодіс зоотехник.— Эн усь, а то доймыны верман.

Василиса Антоновна петіс водзё. Сы бөрся вётчис Вася. Кыкнанныслён квайт быкён. Лунтыр шойччөдөм көръяс заводитісны мунны дружнөя, сьөлөмсянныс. Дадьяс исковтөны кокниа, быттёкө сәні абу некутшөм груз. Весиг верөтяяс вылө кыпөдчылігөн көръяс мунісны рөдйөн, ньөти надзмөдлытөг.

Бөрланьө колины море, сэтчө усьысь Кара ю, берег дорын поздысьөм посёлок. Водзын, кытчөдз судзё синмыд, куйлө паськыд тундра. Шыльыд эрдьяс вылын дзирдалөны зеркалө кодь югыд тыяс. На пиысь унаөн йитчөмаось өта-мөдыскөд бөрөзда кодь векныдик висьясөн. Гежөдика паныдасьлөны изья берега визув шорьяс. Унджык шор гураньясын дзирдалө көзөд кодь лым: шоныдыс абу на прамөя веськавлөма сэтчө.

Вася дзорьяліс өтарө-мөдарө. Ставыс, мый усьлі син улө, вөлі важысянь төдса да муса. Со, тыясын купайтчөны юсьяс да дзодзөгьяс. Полярнөй сюзьяс, быттёкө кодөнкө сувтөдөм еджыд столбьяс, пукалөны асланыс позьяс вылын да дышпырысь бергөдлөны юрсө.

И Васялы кажитчө, мый сюзьяс төдөны сійөс, дзоргөны сы вылө паськыд синьяснас, здоровайтчөны юрнысө катлөдлөмөн. Но тайө сөмын тадзи кажитчө. Детинка төдө, мый сюзьяс лунын немтор оз аддзыны, узьөны, а войын петөны кыйсьыны, шыръяс бөрся вөтлысьны.

Василиса Антоновна вөлі зумыш. Сійө пыр на думайтис Харитон йылысь, некызди эз вермы успокоитчынысө.

«И колö жö вöли мөдөдчыны төлктөм Янгасовкөд,— ныв видис асьсө.— Харитонлысь өд позис виччысьны татшөмторсө. И ме виччыси: эг лэдз сийөс посёлокө. Но сийö мунис ас наукөн, пышйис. Прөста оз шуны — съөд понлы еджыд гөн оз пет. Муним кө Мишакөд, вöли эськө дас пөв бурджык».

Позис, дерт, налы узыны Кара ю бокин, кутшөмкө ногөн бара на вуджавны посёлокө, корсьны Харитонөс да мырдөн вайөдны чумö. Но Василиса Антоновналөн вöли аслас гордость, кодi эз лэдз сылы вöчны тадзсө. Да и чумын шогсьыны мөдасны: мыйла пö та дыра оз воны. А шогыс да сьökыдлуныс сәни татөг нин тырмө.

Харитон мыжа — сийö мед и өтвечайтас. Кара-Вомын частö овлөны мукөд стадаясысь көраяс. Локтас кутшөмкө пöпутчикъяскөд.

Поводдя омөльтчис и омөльтчис. Небеса дзоньнас быттьö вевттьысис руд вольясөн, кымөрьяс өшөдчисны увлань, шарөбтис көдзыд зэр. Вася лэптис пальто воротниксө, бергөдчис төвлы мышкөн, сәсся пешкыльтис дадьвывса вольлысь өтар помсө да тупкис сийөн пидзөссө. Лои неуна лөсьыдджык, шоныдджык.

Василиса Антоновна вöли кокни паськөма жö: дженьыдик телогрейкаа, вöсньыдик шалля. Сийö эз надейтчы поводдя лөкмөм вылө, и öни каитчис, мый эз босьт шоныдджык көлуй ни аслыс ни Васялы.

— Кынман? — зоотехник сувтөдис көрьяссө да матыстчис детинка динö.

— Ог,— вочавидзис Вася да ёнджыка йөжгыльтчис.— Ме ньöти ог кынмы.

— Босьт тайөс,— ныв сетис сылы асьыс вольсө.— Тупкышт сийөн водзтö. Вот тадзи.

И бара ныв скöрысь казтьыштис Харитонöс. Эз кö корсьны сийöс берег дорысь да эз виччысьны, эськö асланыс чум дорö нин матысмисны, а öнi, Василиса Антоновналöн арталöм серти, мунисны джын туйсьыс не унджык. Прамöя на вевъялас мыськыны зэрыс. Он тай небось дзедьсы тундраад, кöнi абу некутшöм юр сюянiн — ни öти пу, ни öти куст оз быдмы.

Шуисны мунны тэрмасьöмөн, некутчö сувтлытöг. Зэрөн кётöдöм му эж небзис, дадь сювъяс улын лои тöдчымөн гылыдджык. Көръяс кылисны дадьяслысь кокнялöмсö да нырнаныс корсейöдлiгтырйи лэбисны водзлань.

Вася кылис, кызди шапка вылысь ваыс войталiс голя вылö, визувтiс мыш кузя. Босьтiс йирмög. «Öнi эськö шоныд чумö», — думыштiс детинка, но сэк жö öдйö вештiс тайö мөвпсö: öд сылы сэтшöм окота вöли локны тундраö нимкодясьыштны важөн тöдса местаяс вылö. И позьö öмöй öбижайтчыны кутшöмкö зэр вöсна. Прамöй көр видзысь ньötчид оз норасьлы некутшöм слöt вылö. Вася тöдö тайöс батыс да Илья дядь серти.

Да и Васялы нинöм повнысö. Регыд найö воасны ас чумö. А зэрыд кисьтыштас неуна, и кобас, бара пукяс мича поводдя.

Но тайö рытö весьшөрö вöли виччысьны кутшöмкö мичаммöм. Прамöя зэрöм бöрын заводитiс öдйö руавны. Первой вöйтчисны улльöv кодь еджыд да сук ру пытшкö увтасджык местаяс, сяс бердiсны и верötяяс. Кажитчис, мый найö абу нин тундраын, а паськыд океанса зэв ичötик дi вылын. Кытчö он видзöдлы — быдлаын еджыд.

— Вот и воим! — Василиса Антоновна сувтöдiс көръяссö да тэрмасьтöг кыпöдчис дадь

вылысь.— Оні, тыдалө, ковмас ичөтика гожъя-лыштны.

Ру — тундраөд мунысьлы медся лекторьясысь лёкыс. Гөгöрысь нинөм он аддзы, он төд, кодарө веськөдчыны. Туйяс абуөсь. Верман прöйдитны чумсянь сө воськов ылнаөд и не казавны сійөс. Татшөм поводдя дырйи медся опытной пастукьяс сувтöны да виччысьöны сы дыра, кытчөдз оз разав руыс, кытчөдз оз тыдовтчы көнкө горизонт дорын чумлөн ёсь йылыс.

— Руыс өд регыд разалас?— ышловзис Вася öтарө-мөдарө гоннялігтыр.— Ми коркө батькөд тадзи жө ру пытшкө веськавлім, а зөв регыдик и сулалім.

Василиса Антоновна думыштчис, эз төд, мый вочавидзны. Сійö ачыс первойысь на аддзис татшөм поводдясө, но кывлывліс, мый руа поводдя дырйи ковмывлө пукавны сутки и дырджык. Ныв бура гөгөрвоис став сьökыдлунсө, кодкөд найö паныдасисны.

— Разалас, Васенька,— Василиса Антоновна зілис лоны спокойнойөн. Сійö локтіс детинка дінö, пуксис ськөд орччөн да бара заводитіс юасьны, кызди найö олöны школа-интернатын, кызди велөдчöны.

Вася висьталіс, мый сійö помаліс мөдөд класс да вуджис коймөдө. А мыйөн помалас школасө, дзыкөдз локтас тундраө да кутас батыскөд öтлаын видзны көръясөс.

— Тані өмөй гажаджык?— юасис ныв.

— Гажаджык,— нюмдіс Вася.— Тані жө көръяс, а көні көръяс, сәні и гажаджык.

Первойсө кажитчис, мый тадзи, воль сайын пукалігөн, весиг шоныдджык. Но сідзи кыссис не-

дыр. Регыд Вася кутіс воча кучкавны кокъяссө. Сэссия сійö шыбитіс ас вывсьыс көтасьом вольсө, заводитіс шенасьны кияснас.

Көдзыд мөрчис и детинкалы, көть зэв дыр старайтчис не петкөдлыны та йылысь. Öнi сійö вöлі лөзөдöма, дрöжжитіс. Василиса пыр жö ка-зяліс тайöс, но эз тöд кыз шыласьнысö.

Ваысь польдöм му вылын эз вöвны некутшöм дадь скув туйяс, кодъяс көть ичöтика вермисны петкөдлыны, кодарö мунны. Ру пырыс төкөтьö тыдыштысь верötяяс вöліны тöдсаöсь и тöдтöмөсь. Татшöм мылькъяс кыпалöны вöлі чумсянь не-ылын. Но дзик жö сэтшöмъясöс аддзывлис Васили-са Антоновна и кык вежон сайын, кор вöліны пыдi тундраын на, и Кара ю дорысь, кытысь неважөн вөрзөдчисны.

«Сулавны кө местаын, ковмас ёна кынмыны,— мөвпаліс ныв.— Тані небось он биась, ни чум не-кутшöмөс он сувтөд».

Коли дзик öтитор: мунны пыр веськыда, водзö, дугдывтöг видзöдны ас гөгөр, медым тöдлы-тöг эз кежсьы бокö. Оз кө веськавны чум шөрö, вермасны паныдасьны көр стадакөд. Тысячаөн-джынийөн көр ньötчыд оз сулавны öти местаын, йирсигмоз век вешйöны местаысь местаö.

Техникумын велөдчигөн на Василиса кывліс көр видзысьяслөн сьökыд олөм йылысь, гордит-чис, мый и сійö, кызди странаеса уна тысяча зонъ-яс да нывъяс, оз корсь кокныдик туйяс. Но сійö эз чайтлы, мый коркө, öти войö, вошас тундраö. «Ог вошöй,— думайтис ныв.— Аддзам».

Көръяс, нырсьыс да вомсьыс пöсь ру пöляліг-тыр, төвзисны сылань, кодарö вötлісны найöс кө-зяинъясыс.

## СТАДАЫН

Кара-Вомö мунысьясöс колльöдöм бöрын Мишалөн батыс да Илья дядь пуксисны чум дорö дадь вылö, гартыштисны кыз чигаркаяс. Көръяс вöлины син водзын, жöдзисны матысса сёнын, йöрасьöм бöрын эз на ылыстчыны. Куритчысьяс эз тәрмасыны. Кыкнанныс пукалисны ланьтöмөн.

— Мый сідз зумыштчöмныд? — матыстчис на дінö Александра Петровна да сюся видзöдліс пукалысьяс вылö.

— Ывланас любуйтчам, — индіс верöсыс асыв-вылын öзйысь гөрд кыа вылö да тökөтьö нюмдіс. Лэчыд төвъясысь гожъялөм чужөм вылас сылөн тöдчис мудз, кодöс эз позь дзевны ни шмонитöмөн, ни нюмъялөмөн.

— Час-мөд эськö шойчыштінныд, — сөветуйтис Александра Петровна. — Лöсьыдджык лоö. Аски бара узьöм ни олөм...

— Коркö узям, чурки-буди, — ышловзис Илья Иванович да лöсьöдыштис уссö. — Тöвнас войяс ласны кузьöсь, лымъя дырйи кокныдджык лоö видзны көръясöс. Лямпаөн вöчан стада гөгöрыд лызьнича, и, чурки-буди, некытчö оз разöдчыны.

— Төлөдзыд быдса во джын на, — Александра Петровна сюся видзöдліс пастукъяс вылö.

Сійö көть и велалöма нин пастукъяслөн беспокöйнöй олөм вылö, но век жалитö мужичöйясöс.

— Водыштлöй, водыштлöй, ме видзöдла көръястö. Ылö нуöдны ог кут, матігөгöрын йирöдышта.

Миша ноксис аслас кыньпи дінын. Но казяліс мамсö да котөрөн локтис сы дінö. Сійö кывлöма гырысьяслысь сёрнисö, тшöтш көсйö көръясöс видзны.

— Тiянлы, Петровна, узьны жö колö,— шуис Илья дядь.

— Ме вевъяла на,— Александра Петровна эз кöсйи вежны думсö.— Кара-Вомсяньыд рытлань-öдз оз воны.

— Воас кö самолётыс, эськö бур да,— здук кежлö лазгöдлiс синъяссö Илья Иванович.

— Юöртiсны да воас жö,— шуыштiс Александра Петровна.— Менам сöмын Харитон йылысь век лёка думайтсьö. Миша вылö надея ыджыдджык.

Сэки Мишалы дум вылас усины Харитонлөн скөр кывъясыс, кöлуй тыра дадыяс гөгөр сылөн ветлöдлöмыс.

— Харитоньыд, Илья дядь...— тэрыба заводитлiс Миша да джöмдiс. Сiйö видзöдлiс мамыс вылö, аддзис сылысь аслыспöлöс скөр видзöдлассö да ланьтiс.

Гашкö, мам думайтiс дзик мöдтор йылысь. Но Миша тöдö нин: висъталан кö Харитон йылысь омöль кывъяс, буртор эн виччысь. Сiйö век шуö: ичöt на пö, медым суитчыны гырысьяслөн делöö.

Тöндзи, водз тулысын, кор джуджыдджык мылькъяс вылысь сöмын на вöли сылöма лымйыс да тундраыс кажитчис еджыд серъяса көр кодьөн, Миша вöзйысис Харитонкöд öтлаын ветлыны стада йирсянiнö. Буретш сэки вöли стадаын чужöма детинкалөн медся радейтанаторйыс — еджыд көрпи, и сы дiнö сiйö ветлывлiс куимысь да нельысь луннас. Бать да Илья дядь век аскöдыс нулывлiсны Мишаöс, а сэки Харитон быттьö эз и кывлы сылысь гөлөссö, шлапкысис-уськөдчис дадь вылö да лыйыштiс-мунiс чум дiнысь. «Харитон-Баритон! Харитон-Баритон»,— мöдiс Миша горзыны сылы,

коть эськө ачыс эз төд, мый сійө лоө «Баритоныс». Кажитчис детинкалы тайө видчан кывйис — и ставыс. Мамыс чумсянь кывлөма видчөм-нимтысьөмсө, петис гусьоникөн да кучкис Мишалы сюмыс помөн: сөмын пө поньяс тадзи увтчылөны.

Та бөрын Миша эз нимтывлы Харитонөс, сөмын ёнджыка кутис лөгавны сы вылө.

«Эз ков казътывны Харитон йылысь, — ёни видыштис асьсө Миша. — Мамө со кызди букыштчылис. А өд Харитон кө оз пышйы стадаысь да бөр татчө воас — сысянь бурсө эн виччысь».

— Мый, Миша, Харитонид? — бергөдчис детинка динө Илья дядь. — Небось тэныд сытөг, чурки-буди, гажаджык? А ме важөн нин казяли тайөс.

Но Миша өдийө бергөдчис, котөртис чумлань.

— Пыр да би вылас тэчышт россө, — кылис бөрвывсянь мамлөн гөлөсыс. — Мед Илья дядьыд да батыд водтөдзныс пөсь чай юыштасны.

Чайникъяс улын биыс ваймөма нин. Миша чегъялис посныдик росьяс, тэчис дзувъялысь өгыръяс вылө да пидзөсчанясьөмөн кутис пушкыны-пөльтны бипурсө. Росьяс трачкөдчыштисны да ломзисны. Миша пуксис лата вылө, кокъяссө улас сюркнялөмөн мөдис видзөдны гажаа йөктысь би кывъяс вылө.

«Лысытас оз эськө Вася нимтыны Харитонөс? — думайтис Миша. — Либө удтыны сійөс батылы либө Илья дядьлы? Вася ыджыд нин, школаын велөдчө, сійө, дерт, оз пов».

Чайникъяс улө тэчөм рос ломзис ярджыка. Мишалы лои жар. Сійө неуна ылыстчис бипур диньсь, пөлынытчис воль вылө, кутис виччысьны чайникъяслысь пузьөмсө, но төдлытөг унмовсис.

Аддзө сійө, кызди дадь вылө сувтөмөн локтө

Вася, өвтчө кузь харейон да мый вынсьыс тәрмөд-  
лө көръясөс.

— Вася,— горзө Миша.— Тэ кытчө?

— Харитонөс суода,— вочавидзө ыджыдджык  
вок.— Сийө тундраө мунис и аскөдыс еджыд көр-  
питө пышйөдіс. Лок суодам өтлаын.

Төвзёны кык вок тундраөд, и паныдасёны  
Харитонкөд. Янгасов лёкысь сералө, жерйөдлө  
пиньяссө.

— Бать,— лёкысь горөдіс Миша да садьмис.

Куйлө воль вылын да тіралө то ли көдзыдысла,  
то ли повзёмысла. Чумын дзык өтнасөн. «Кытчө  
ставыс мунөмаөсь?»— думыштіс детинка да ко-  
төртіс өдйө ывлаө. Чум дорын некод жө абу. Сө-  
мын дадьяс дінө нюжөдчөмаөсь кык пон. Неылын  
бок вылас куйлө көиньясөн дойдөм көр.

«Кытчө мунисны?— кутіс дзорьявны Миша.—  
Ни Вася, ни Харитон абу на волөмаөсь. Вөт ставыс  
вслөма...»

Чумбердса мыльк бокысь Миша казяліс ассьыс  
кыньписө. Сылөн узигкоста кодкө вештөма сійөс  
мөд местаө, эжа пластьясысь пач кодь чомтор вө-  
чыштөма, а сэсся весьтас өшөдөма лёкиник куль  
мешөк, кодөн мамыс зөра поводдя дырйи тупкыв-  
ліс чум йылысь тшын петан розьсө.

«Коді тайөс вөчөма?— нимкодджык лои де-  
тинкалы.— Мамө, көнкө, старайтчис...»

А кыньпи овмөдчөма нин выль позйө, дзөбсьө-  
ма пемыдінас да он и казяв, не кө розьланьө ню-  
жалысь домөдыс.

— Лөсьыд тэд тані,— Миша лажыньтчис  
кыньпи поз водзө.— Воддза оланінсьыд абу  
омөльджык! Татчө и төв оз инмы. Зэр оз  
веськав ни.

Кыньпи сюся видзöдліс сы вылö, зіліс бöрынтьчыны пыдöджык. Миша нюжöдіс чуньсö. Кыньпи воддза лапанас кучкис чуняс, курччис. Но небыдика.

— Дзик жö тэ кутю кодь,— нимкодь лои Мишалы.— Тэ öд он пов меысь? Ньöти он?

Кыньпикöд ворсанінö и суис Мишаöс мамыс, коді буретш воис кытыськö чум дорö. Сылөн киаесь пыдöса еджыд ведра.

— Тэ садьмин нин, мада,— шыасис мамыс.

— Садьми,— матыстчис сы дінö Миша да ляскысис бокас.— А тэ кытчö ветлін? Стада йирсянінö?

— Эг,— мам пуктіс ведрасö муö.— Матысса верötяяс вывті кытшовті, мырпом со öктышти. Васяыд воигкежлö воті. Сійö öд вöлі зэв радейтö мырпомсö...

— Сюрис?

— Этшаник. Гөрд на, абу на прамöя кисьмöма...

— А кор Вася воас? Дыр на оз?

— Регыд нин, мада, регыд.— Мам босьтіс ведрасö да веськөдчис чумлань.

— Талун?

— Талун, дерт. Гашкö час мысти либö регыджык. Мыйөн самолётыс воас, найö пыр и локтасны.

— А көнöсь батьö да Илья дядь?— юалис Миша.

— Налөн öд öти уджыд,— пиыс вылö видзöдліс мамыс.— Ми вот тэкöд чумын горт олам, а батьыд көръяс дорын дежуритö. Илья дядьыд бара муніс вошöм көръяс корсьны.

— Сійö аддзас еджыд көрпитö?— юасис Миша.

— Аддзас, мада, аддзас.

Чумо пыранінын мам пуксис, сэсса, кытчөкө ылө видзөдигтыр, думыштчис.

— Тэныд жаль көрпиыс?— друг мамыс юалис сылысь.— А ме тшөтш и тэнө жалита. Ар матысмө. Васякөд тшөтш и тэнө ковмас мөдөдны,— мам малыштіс Мишаөс юрөдыс.— Көркө кыкөн вөлінныд. Төвса көдзыдьяс и турөбьяс дырйи новлөдлі тиянөс местаясь местаө, питшөгын моз видзи, поли кынтөмысь. И со бордьясьны мөдінныд, тундраса пөткаяс моз лэбзыны лөсьөдчанныд ас позйысь.

Миша унаысь нин кывліс тайө кывьяссө и век сэтшөм кадө, кор батыс удж вылын. Бать оз тшөкты жалитны Васяөс да Мишаөс: оз пө тай бокө мунны, мед велөдчөны, прамөй йөзөн лоасны. Оні, шуө, грамотатөг и тундраын овны оз позь. Велөдчөм йөзыд пө көр висьөмьяскөд кокниа тышкасьөны, книгаясысь да газетьясысь быдтор төдмалөны, радио кывзытөг гажтөмчөны.

И Миша чорыда эскө, мый көть мамыс жалитө сійөс — школаө мунөмысь оз кут. Мамлы прөста окота сёрнитны сыкөд, мыйкө йылысь висьтавны.

Кор мама-пия кольөны чумө өтнаныс, век воровитөны. Миша юасьө, а мамыс висьтавлө сэтшөмторьяс, мыйяс детинкалы абу на төдсаөсь. Мам казтьывлө асьыс олөмсө, кызди сійө колльөдөма Мишалысь батысө война вылө, а ачыс кольччөма видзны көрьясөс. Пөшти нель во чөж уджалөма пастукөн, арся войясын өтнасөн дежуритлөма.

А бать, Илья дядь да мукөдьяс мунөмаөсь война вылөдзыс асланыс медбур көрьясөн, вөлөмаөсь медся лөк местаясас. Оні найө унаысь казтьывлөны, кызди сәки кыскалөмаөсь снарядыяс, пат-

ронъяс, грузъяс. Бура воуйтöмысь Илья дядьлөн да батылөн эмось медальяс.

— Мамö, кодарсянь Васяяс воасны?— оз терпитсы детинкалы.

— Видзöд этчö,— асыввывлань индiс мамыс.— А ме пыра чумö, воигкежланыс сёян мöда дасьтыны.

Миша пуксис тыртöм дадь вылö, улас сюркнялiс кокъяссö да кутiс видзöдны сэтчö, көнi ылын-ылын öтлаасьöны веж тундра да кельыдлöз енэж.

Миша думайтiс, кызди воас Вася, кызди найö кутасны гуляйтны көръясөн, вöтлысьны кыньяс бöрся. Регыд стада вешъяс морелань, а сэнi неуна олыштöм бöрын тайö жö туйöд бергöдчас вöра местаяслань, рöднöй сиктлань. Миша, дерт, бöрсö оз нин кут локны. Танi море бердын гожиöм бöрын, ар кежлас Васякöд öтлаын самолётөн лэбзяс школаö.

Детинка видзöдiс син мудзтöдз, а көръяс век на эз тыдавны. Сийö пырис чумö.

— Оз локны да,— мамыслы норасис Миша.— Нарошнö али мый нюжмасьöны?

— Виччысь, воасны. Гапкö, самолётыс сёрмис, уна груз вайисны,— спокойнöя висьтавлiс мам.— Пуксьы би дорас, регыд пöсь пирөгъяс дась лоöны.

\* \*  
\* \*

Тайö луннас бригадир Илья Артеев вöчис пöшти сё километра кытш. Асывсянныс сийö мунiс стада бöрланьö, кызди шулöны военнöй йöз — бригадалөн тылö, оз-ö сюрны вошöм көръяс. Öт-тшöтш сылы окота вöли и вельмöм көинъясöс повзöдлыштны, казялас кө найöс кытыськö. Та

могысь съорсьыс босьтис винтовка да стрихнин, кодос товнас на сетлисны колхоз правлениеысь. Киськавны ко тайо стрихниннас кулом корос да кольны эрд выло, коиньяс номсаясны яйнас да пыр жо кулоны.

Кольом арын коин косявлис стадаысь оти корос. Илья Иванович киськалис сылысь муссо да съоломсо стрихнинон да колис места вылас.

Мод асывнас колө воли вештыны чум. Сэссия и мукод уджьяс чукормисны. Бригадир слоймис ветлыны отравитом сам дино сомын коймод луннас. Матыстчо и аддзо — кык коин пласьтвидзоны — куломаось.

«Шединныд, проклятойяс», — радлис Илья Иванович. Порччис налысь куяссо, босьтис съорсьыс, а тушаяссо энотис места вылас.

Но сэк жо вочис ошыбка. Илья дядь во чоуж нин каитчо, мый эз киськав стрихнинон розбойникьяслысь шойяссо. Корко дыр мысти сийо воис тайо местаас, и коин шойяс абуось: найос кушодз вильодома коиньяслон жо ыджыд стада. Потлытом горшьяс, весиг асьнысо сейоны. Вермас лоны, мый тайо руд розбойникьясыс онодз пакоститчоны, стадаяс борся вотлысьоны.

«И тияндз воас очередьыс, — скоралис Илья Иванович. — Меным он сюрй, мод шоро веськаланныд».

Аслас олөмын сийо кыйис нин уна коинос. Войнаодз сылон коскас новлан тасма помын воли ошалө дас оти коин клык — быд виом коинлон оти есь пинь. Фронт вылын вошины тасмаыс и восныдик ыргон чеп йылын ошалысь клыкьясыс. Демобилизуйтчөм борын Илья Иванович заводитис выль тшөт: ошөдис нин тасмаас куим пинь.

Клыкъяс сьорысь новлөдлөм — войвывса көр видзысьяслөн аслыспөлөс традиция. Сійö петкөдлө тундраса мортлысь удаллун да смеллун. И воас кө чумö орчча стадаысь төдтөм пастук, челядь первой öчередь зильöны видзөдлыны гусьöникөн тасма помын öшалысь еджыд клыкъяс.

Талун Илья Иванович нарошнö нуöдiс көръяс-сö сэтшөм местаясöд, кодъясöс бур кадö зильöны век ордйöдны. Сійö лэччылис шор гуранъясö, пыралис изъяс костö, вомöнавлис роскаинъяс. Бура кузь туй прöйдитiс.

И кор вöли көсйö нин бергөдчыны чумлань, казалис ляпкыдик, но изъяс визув ю пöлөн пышйысь кык көинöс. Наöдз вöли метр куимсö. Руд гөнныс көинъяслөн да бужöдыс вöлины пöшти öти рöма-öсь. Другөн он и казав найöс. Но ветымын арöс вылö видзөдтөг бригадир оз на норась аслас синъяс вылö. Сійö пыр жö аддзис көинъясöс.

Думайтны вöли некор. Илья Иванович веськөдiс көръясö ю пöлөн, мый вынсьыс сөтыштiс налы харейөн. Ачыс пидзöсчанысис дадь вылö, карабин-сö лэптигмоз косьыштiс-луйис воддза көинлы.

Лыйöмлөн грымöбтöмысь көръяс повзисны да уськөдчисны боквыв. Илья Иванович ур моз пелька чеччыштiс даддысь, сувтiс му вылö.

Көинъяс мый вынсьыс ризöдiсны-пышйисны водзö. Ещö öти здук, и найö саяласны ю чукультанiнö. Илья Иванович тэрыба лэптис винтовкасö, выльысь луйис воддза көинлы. Руд рözбойник качлис да уси места вылас. Бригадир ещö на куимысь кымын луйис мөд көиныслы, но эз веськав, сылы удайтчис пышйыны.

Та бöрын бригадир кутiс көръясö, корсис берегысь лажмыдджык места да вуджис ю сайö.



Көръясөс колис бокө, а ачыс босьтис чер да мунис виом зверь динө. Көин вөлі кулөма нин. Пуля веськалөма сылы бокас, прөйдитөма рушку вомөныс да нетшыштөма прамөй ыджыд кусөк.

Бура дыр ковмис тані ноксыны Илья Ивановичлы: пөрчис зверлыс кучиксө, ёкмыльтис даддьө, тушасө көинлыс киськаліс стрихниһөн. Перйис сәсся көинлыс лым кодь еджыд

ёсь клыксө. Көть бригадир абу нин том, но тасма йылын өшалыс пиньяс дорө страстьыс век на оліс сылөн сьөлөмын.

Илья Иванович важөн нин казяліс кымөрлыс кыпөдчөм. И сійө тәрмасьөмөн мөдөдчис гортлань.

Но стадаөдз воөдчыны бригадир эз вевъяв, зәрмис. Ковмис перйыны воль улыс сьөд нойыс вурөм кышан да пасьтавын көр ку малича вылө.

Руаліс. Мунис сійө, кыз шуласны, ылөсас, но местаяссө бура төдіс да лючки-ладнө воөдчис йирсянінөдз.

— Чайті, мый узьмөдчан,— сы динө шыасис Фёдор Михайлович, коді буретш вөлі матыстө көръясөс чумлань.— Со кызди поводдяыс дурмө. Көть сьөд вой кежлас нуөдла көръяссө чум динө.

— Дыр лоис, но пөшти весьшөрө,— вочавидзис Илья Иванович.— Чөртыс төдас, кытчө рзөдчөмаөсь көръясыс. Весиг дукныс некөн оз кыв.

— Мый сэні тэнад?— юаліс Фёдор Михайлович, кор казяліс дадь вылысь ыджыд ёкмыль.— Кюин? Молодеч! А шуан, мый весьшөрө ветлөдлін. Абу өд кокни сійос аддзыны да вины гожся кадө.

— Мөдыс пышйис,— шуис бригадир,— эг инмы. Эськө, чурки-буди, кыкөс вөлі бырөдөма.

Сійө мөдіс висьтавлыны, кыдзи кыйис руд рөзбойникөс.

— Карасянь эз на воны?— юаліс Илья Иванович, быттьө садьмис узянінысь.— Менам абу ыджыд надея мунысьяс вылө. Кыкнанныс — тундраын выль йөз. Сяммасны-ө воөдчыны татшөм поводдя дырйи?

— Стадаө тай көръяссө эз на вайны-а,— вочавидзис пастук.— Гашкө, чум дорө воисны, эз на лэдзасыны...

Илья Иванович да Фёдор Михайлович өтлаын заводитісны тэрмөдлыны стадасө чумлань. Водзө мунісны чөла, өта-мөдкөд сёрниттөг. Да и кутшөм сёрни вермас лоны, кор чужөмө швачкө көдзыд зэр, ваис писькөдчө питшөгөдз. Синтө прамөй-джыка оз позь восьтыны.

То отарын, то мөдарын тявөстлісны понъяс, паныдавлісны стадаысь торйөдчыштысь көръясөс.

Сувтісны чум горулө, сёнас, кык ыджыд ты костө. Көръяс топөдчисны өтчукөрө, быттьөкө дөзмөмаьсь нин ветлөдлөмсьяс, небыдика руксісны. Медся дыщъясыс пыр жө водалісны.

— Мед шойччөны,— шуис Илья Иванович.— Ветлам, лолыштам, ужнайтам. Асывсянныс на өд прамөя сөйлытөмөсь.

Миша вөлі пасьталө-



ма малича да кѳтасьѳм байдѳг моз куткырвидзѳ-сулалѳ чум водзын. Мыйѳн сійѳ аддзис стадалысь локтѳмсѳ, ѳдйѳ пыраліс чумѳ. Здук мысти мужчинаяслы паныд петіс и сылѳн мамыс.

— Мыйла, пиѳ, кѳтѳдчан?— бать малыштіс Мишаѳс юрѳдыс.— Ме кѳ вѳлі тѳ местаын, эськѳ татшѳм поводдянад чумысь нырѳс эг мыччыв.

— Чурки-буди, ыджыдджыка быдмыны кѳс-йѳ,— шмонитыштіс Илья Иванович.— Сулалан кѳ тані асылѳдз, харейысь кузьджык лоан.

— Чум вевттьѳдлѳн быд шурмунѳм бѳрын ывлаѳ котѳртѳ,— висьталіс мамыс.— Кара-Вомѳ мунысьясѳс виччысьѳ.

— Татшѳм кадѳ найѳ ѳз воны,— чумѳ пырѳм бѳрын нин шуис Илья Иванович. Сѳсся сійѳ пѳрччысис, порог дорѳ шлапкис кѳтасьѳм ной кышансѳ да дыр копрасис сѳр вылын ѳшалысь мыссян доз дінын.

Мишалѳн батыс да Илья дядь, кокъяснысѳ уланыс сюркнялѳмѳн, пуксисны воль вылѳ. Александра Петровна матыстіс на дінѳ ляпкыдик кокъяса пызан, вайис ужын.

Миша бара петіс чумысь.

Тундра вѳлі сьѳкыда висысь морт кодь, гажтѳм, некод вылѳ ѳз кѳсйы видзѳдлыны. И кажитчис, мый ѳнджыка кѳ чошкѳдан пельтѳ, кылан сылысь лолалѳмсѳ.

Буситіс зѳр. Миша дзоргис-видзѳдіс сылань, кодарѳ мунісны встречайтны Васяѳс. Сійѳ виччысис, мый ещѳ коляс некымын здук, и руѳн вевттысьыштѳм сѳн гуранын тыдовтчасны кѳраяс, сѳсся друг кежасны чумлань, мѳдасны кайны нѳрыс дзиб йылѳ. Вася ылісянь на тѳдас воксѳ, чеччыштас даддысь. Миша уськѳдчас сылы па-

ныд. И сэки... Детинкалөн весиг сибдыліс лолыс!

Миша эз кыв ни зэрсө, ни тундралысь кӧдзыд лов шысӧ. Синсӧ лапнитлытӧг сійӧ видзӧдіс сёнӧ, думайтіс Вася йылысь. Вермис ӧмӧй сійӧ тӧдны, мый локтысьяс важӧн нин воштісны ассыныс туйсӧ да синтӧм гутьяс моз ветлӧдлісны помтӧм-пыдӧстӧм тундраын?

Кор Миша бара пырис чумӧ, Илья дядь висьтавліс аслас талуныя ветлӧм-мунӧм йылысь, кӧинӧс кыйӧм йылысь. Детинка чошкӧдіс пельсӧ, кутіс сюся кывзыны гырысьяслысь сёрнисӧ.

Ужнайтӧм бӧрын мам бара казтыштіс Кара-Вомӧ мунысьяс йылысь:

— Дзик тшыгӧсь, коньӧрьяс. Весиг сёянторсӧ босьтны эз гӧгӧрвоны...

— Коді тӧдіс лёк поведятӧ,— шуис Илья дядь, сӧсся думыштчис.— Гашкӧ, паныд ветлыны? Том йӧзыд, чурки-буди, вошӧмысь полӧны, ру разалӧмсӧ виччысьӧны... Кыдз тэ думайтан, Фёдор?

— Колӧ, дерт,— шыасис Мишалӧн мамыс.— Кокни паськӧмнад найӧ кынмыны вермасны. Ветлы тэ, Фёдор. Дадюлыс гылыд. Кара-Вомӧдз здукӧн воӧдчылан.

— Чайтан, найӧ сәнӧсь на?— спокойнӧя куалис Фёдор Михайлович да видзӧдліс ас гӧгӧрыс, быттӧ корсис кутшӧмкӧ вошӧмтор.

— Вевъялісны кӧ петны — паныдасянный. Пырджык ӧд ӧти сәнъясӧд ветланныд. Сәті жӧ, дерт, и найӧ локтӧны. Либӧ свежӧй аргышничасӧ казялан.

— Ветла и эм,— кутіс лӧсьӧдчыны Мишалӧн батыс.— Сӧмын тӧянлы дежуритны лоӧ. Но ӧд ме ог дыр.

Йорасьны эз мөдны. Та вылө эськө ковмис уна кад. Шуйсны кутны көръяссө арканъясөн. Миша төдө, кыдзи тайө вөчсьө. Пастук пырө веськыда стада шөрө, синнас корсьө колан көрөс да матыстчөмөн ылісянь на шыбитө сылы скорас петляа пома кузь гез, сідз шусяна тынзей. Көр пышйө водзө, кытчөдз оз зэлав тынзейыс. Но сійө оз нин вермы водзсасыны морткөд, сувтө места вылө.

Миша и ачыс частө шыблавывліс тынзейтө, велөдчис думсьыс. Сөмын сійө шыблаліс эз көрлы скорас, а дадь подйө либө муө сутшкөм майөгө. Илья дядь шуис өтчюд: тэ пө регыд нин ловъя көрлы скорас кутан веськавны.

Бать да Илья дядь пасьтасисны да петісны чумысь. Миша вөтчыліс на бөрся, но батыс бөр бергөдіс: нинөмла пө лысвасө көвтны.

Тынзей корсигөн Илья Иванович казяліс, мый көлуй тыра дадьясысь өти, кытчө вөлі сөвтөма көр кучикъяс, омөля вевттьөма.

«Мыйла тадзи?— кутіс мөвпавны сійө.— Ме жө ачим вевттылі дадьсө волясөн, көртавлі гезъясөн. Кучикъясысь өтдор тані немтор эз вөв».

Сійө лөсьөдіс дадь вылысь воляс, мед пытшкас оз веськав зэрыс, да вөтчис Фёдор бөрся, некодлы нинөм эз висьтав. Бригадир нэмсө олө тундраын. Көр видзысьяс — честнойөсь. Найө оз радейтны кывны ас йылысь кутшөмкө подозрение, а кыласны кө, да ещө лөж,— кувтөдзыс оз вунөдны, забедуйтны кутасны.

Көръясөс кутөм да доддялөм бөрын Илья Иванович кольчис дежуритны, а Фёдор Михайлович петіс туйө.

Валей, коді нелямын во нин олө тундраын, төдіс местаяссө сідзи жө, кыдзи көзьяка аслас чум

пытшкысь дозмуксö. Эз мешайтны сылы ни буситысь зэр, ни му бердö ляскысьöм руд кымörьяс. Кöртав синъяссö съöd чышъянөн, и то воöдчас колана местаö.

Öнi сийö мунис ыджыда сувтлытöг. Сöмын быд здукин дзоръялис öтарö-мöдарö, виччысис аддзыны паныд локтысьясöс.

Час куим мысти пастук Валей воис Кара юдорö. Берег вылын кörьяс эз тыдавны, матигögöрын эз вöв ни öти морт.

«Мунöмаöсь,— думыштіс Фёдор Михайлович да, ю сайö видзöдiгтыр, мöдiс куритчыны. Ва весьтын гöвкъялис тшын кодь ру. Сы пыр öдва-öдва тöдчыштісны мöдлапöвса посёлөклөн медся дорса керкаяс.— Збыль öмöй вежөн лоим?»

Фёдор Михайлович чеччис даддысь да, муö видзöдiгтыр, ветліс берег пöлөн первой öтарö, сэсса мöдарö. Думсьыс сийö көсйис аддзыны дадь сювьяслысь туйсö, но весьшөрö: зэр шыльöдöма став турунсö. Пастук ылöдз шыбитіс чигарка помсö да бөр матыстчис дадь дорö.

«Весьшөрö лои волöма,— ышловзис сийö.— Найö, дерт, гортынöсь нин. Гашкö, öта-мöд костаным сё метр сöмын вöлі, а вежөн лоим».

Бöрсö Валей мунис мöд туйöд, öнтая локтанінысь неуна бокöдджык. Но и тані эз крестасьны дадь сюв туйяс. Уна думъяс вежласисны юрын: гашкö, Василиса, Харитон да Вася важөн нин чумынöсь, а гашкö найö сулалöны тундра шöрын. Фёдор Михайлович мөвпыштіс и сы йылысь, мый найö вермисны вошны.

Том дырйиыс, батыс кулан воö, кор Фёдорлы вöлі сöмын на дас нель арös, сийö ачыс ылавліс тундраын, нель сутки чöж ветліс öтарö-мöдарö.

Том пастук вöлі кулан выйын нин, кор аддзисны сійöс ёртъясыс. Тайö вöлі сёр арын, Большеземельской тундра шöрын, вошöм көръяс бөрся вöтлысигөн. Сэки Фёдор медбөръясыс видзис Печора вожса кулакъяслыс стадасö. Мөд онас сійö вöлі нин колхозной пастукөн.

Öнi, дерт, Фёдор Михайловичлы тешкодöн кажитчö сэкса вошлöмыс. Комын во чöж тундра-ти ветлигөн сійö вевъялис быд мылык да гуран төдмавны. Төдö, көнi кутшöм шор визувтö. Но Василса да Харитон, дерт, синтöм кутюяс кодöсь на.

Көръяс мудзисны. Гөра паныдъясöд кайигөн Фёдор Михайлович чеччылис дадь вылыс, мунис подөн. Пыр частöджык сійö сувтлывліс куритчыны.

Тадз, туйын, коли войыс. Аслас чум дорö Фёдор Михайлович воис час öкмысын нин, көть мисьтöм поводдя вöснаыс луныс омöля торъялис войысь. Гөтырыс да Миша петісны паныд.

— Эз воны?— локтигмозыс юалис Фёдор Михайлович.

— Эз,— паськөдіс синъяссö Александра Петровна.— Ой, кытчö нö найö лоины?

— Код төдас. Кадысь водз эн бөрд, корсьны кутам,— скөрмис верöсыс да мөдіс видзөдны сылань, кытысянь сөмын на локтіс ачыс.— Ю таладорас некод абу. А мөдарас, дерт, көръясөн эз вуджны. Ог сяммы думыштны, кытчö-мый лоисны. Но аддзам найöс. Тундраыд абу на войыввса океан. Не татшөмторъяс овлісны.

— Мый нö сэсса вöчнысö?— эз мөд öшйыны места вылас Александра Петровна. Сійö пунктöма кисö морöс дінас, синъясас ыджыд полöм.— Збыль öмöй вошины?

— Аддзам, мися, эн шогсы...

— Поводдяыс со кутшом, кынмыны вермасны.

— Корсям,— чорыда шуис Фёдор Михайлович.— Сомын паникатог...

Сийо пыраліс чумо, но весиг эз порччысылы. Неуна сэйыштөм бөрын сийо веськөдчис стада йирсянінө, висьталіс лоомтор йывсыыс Илья Ивановичлы.

— Колө өні жө бара мунны корсьны,— копыртліс юрсө бригадир.— Кольчыв татчө, а ме ветла...

Мудзөм көръясөс выльясөн вежөм бөрын сийо мөдөдчис мунны.

— Стадасө ылөдз эн вешты,— шуис бригадир.— Мед тані йирсясны, оз кувны. Ме, чайта, регыд бөр воа.

Илья Иванович кежавліс чумо, босьтіс сьорсыыс винтовка да сигнальнөй ракетаяс: гашкө пөлуйсьөм шысө кыласны, либө ракеталысь югнитөмсө ылысяньджык казяласны.

Сийо муніс Кара ю дорөдз, сомын эз сәті, кыті ветліс нин Фёдор, а дзик мөдлаті, сәсся веськөдчис морелань, өти нөрыс йывсянь мөдө чукльөдлігтырйи, корсис вошөм йөзөс. Кажитчө, матігөгөрын эз коль сәтшөм места, кытчө эз волы Илья Иванович, но эз удайтчы аддзыны весиг некутшөм кок туй.

«Бытьөкө сылісны,— мөвпаліс бригадир.— Дивө. Көинөс суөді, а йөзөс ог аддзы».

Но Илья Иванович эз көсйы өтнасөн косны чумо. Гырысь кытшьяс вөчалігтыр сийо муніс водзө да водзө. Отилаын кавшасис медся джуджыд верөтя ылө да винтовкасө небесалань чургөдөмөн шковөбтіс-луйис. Повзьөмөн жбырнитісны матыс-

са ты дорысь уткаяс да дзодзөгъяс, кыпөдчисны повзём варышгъяс. Но колис ещө некымын здук и бөр ставыс лөнис. Илья Иванович лыйис мөдысь, коймөдысь.

Некод, дзик некод, тыдалө, эз кыв лыйсьөм шысө. Руа дырйи эз отсавны и югыд ракетаяс. Став тундраыс, кажитчө, вугыртөма, и некутшөм вын оз вермы пальөдны сылысь унсө.

А син водзын вешйивтөг сулалисны Харитон, Василиса Антоновна да на динын йөжгылясьыс Вася. Колө вөлі өдйөджык аддзыны найөс, корсьны. А кызди вөчны тайөс — Илья Иванович и ачыс эз төд.

## БАЙДӨГ ЧОМЙЫН

Быдса вой уялисны вазём тундраөд Василиса Чупрова да Вася Валей, но чумө эз веськавны. Сэсса налы лои быть сувтны. Көть важөн заводитчис лун, некөн немтор эз тыдав. Гөгөр өшаліс рулөн еджыд занавес.

— Ковмас пукалыштны байдөг чомйын, — шуис Василиса детинкалы.

Вася немтор эз вочавидз. Детинкалы көть ньөтчыд на эз удайтчыс овны байдөг чомйын, зэв бура гөгөрвоис, мый сійө сэтшөмыс. Тадзи көр видзысьяс нимтөны тундра шөрын узём, кор оз веськавны асланыс чумө.

Кыпөдчисны мыльк йылө, көні этшаджык ваыс, да лэдзасисны. Öти дадсьө лэптисны мөд вылас. Сэтчө вевсьөн тэчисны көлуйсө. Кодарсянь локтіс зэрыс — воль өшөдісны. Артмис ляпкыдик сайөд. Öти воль шлапкисны муө да пуксисны сы былө.



— Ваёсь кокъясыд?— Василиса Антоновна видліс детинкалысь сапөгсö.

— Ичöтика кötасисны.

— Пөрччыв да выльысь көмась,— велöдіс ныв.

Вася вöлі чулки кежысь, нямöдтöм. Кокъясыс гөрдöдöмаöсь. Тöдчис весиг ортсысянь, мый найö важөн кынмöны-пиалöны.

— Адöй, кутшöма нин вевъялöмаöсь кынмыны,— повзис Василиса Антоновна.

— А найö ньöти оз кынмыны,— сосис Вася.

Ныв кымыньтліс сылысь сапөгъяссö. Кыкнансьыс тюрöбтис няйт ва.

— Колö мыйкö косджыкöс нямöдавны,— ас гөгöрыс видзöдліс ныв. Но кытысь босьтны кос нямöдсö? Лои пөрччыны ассьыс көмкотсö да нямöд пöвсö, кык пельö косялöмөн, гартны детинкалы. Мöд пöвсö, коді вöлі мутшыв жö нин, колис аслыс, сідзи жö көмаліс кык пельö юкөмөн.

Выльысь көмасьём бёрын лои шоныдджык. Но дыр-ө кежлө? Пукавны кө тадзи да не ветлөдлыны, недыр мысти кокъяс мөдасны кынмыны важсьыс ёнджыка. А кор кынмёны кокъяс, став тушаыдлы көдзыд.

Василиса Антоновна чеччис да кияснас шенасигтыр мөдiс тэрыба ветлөдлыны отарө-мөдарө.

— А тэ воль вылас лэпты кокъястө да кучкав воча,— велөдiс сiйө детинкаөс.— Турун вылас эн сувт, лысваа.

Но недыр мысти бара шарөбтiс зэр, и кыкнанныслы лои дзедьсыны воль сайө. Байдөг чом эз видз көтасьёмысь, но бур вөли и сiйө, мый зэрыс эз швачкы чужөмө. Кунян кө синъяс, весиг кажитчө, мый тэ абу ывла вылын, а прамөй чумын. Эз сиктса паччөр либө шонид общежитие, а брезентөн кышөм прөстөй чум олис мөвпын. Сөмын кодарын тайө чумыс? Кор сiйө мыччыяс?

И тайө здукас Василисалөн син водзтi котөртiс аслас дженьыдик олөмыс. Победа лун. Ичөтик Василисалы тырис сизим арөс. Колө эськө нимкодясьны тайө луннас, но мам бөрдө. Бөрдө бать вөсна, кодi некор оз лок гортө. Нывка сэки омөля на гөгөрвоис, мый тайө лоө. Но бөрынджык, кор быдмис, уна пөв лыддылис сундукын куйлысь письмө, кодөс вөли ыстөмаөсь бательөн фронтвывса ёртъяс. Тайө письмөыс да пев пом кодь ичөтик фото,— со и ставыс, мый казтылис вөвлөм фронтөвик йылысь. «Дона ань,— висьтависис письмөын.— Сьөкыд гижны миянлы тайөс. Ещө сьөкыдджык лоө тiянлы лыддынысө. Но пөка ми ловъяөсь, долженөсь висьтавны курыд правдасө». Водзө сәни висьтависис, кызди карельскөй вөрын фашистъяслы удайтчөма кытшавны миянлысь өти

частьос. Налы отсөг вылө ыстасны көраясөс. Пан-  
сяс чорыд кось. Унаон усьоны. Оз во бөрсө и Тал-  
васа көр видзысь Антон Чупров — Василисалөн  
батыс.

«Бать кө вөлі ловъя, эськө вермис лоны, мый  
өти стадаын сыкөд уджалім, — ышловзис Васили-  
са. — А, гашкө, ставыс артмис мөд ногөн».

Мыйкө дыра кежлө сійө ойбыртліс, весиг заво-  
дитіс мыйкө вөтасьны, но садьмис кынмөмла.  
Пиньяс таркакылісны көдзыдысла. Лои чеччыны.

А детинка эз вөрзөдчы. Вевттыштөма юрсө  
пальто воротникнас да шкоргө-узьө.

«Кынмас, — мөвпыштис Василиса. Сійө босьтис  
дадь бокын өшалысь вольсө, лөсьыда шебрөдіс  
Васяөс: — Мед узыштас, а ме кута ветлөдлыны  
и шонала».

Зэр эз и думайт кобны. Öні, дзикөдз көтасьөм  
бөрын, сійө вөлі ещө на мустөмджык. Эз кыскыны  
ас дінас и нильзьөм, көдзыд вольяс.

«Збыль өмөй оз помась тайө зэрыс, оз юг-  
дышт? — кутіс повны Василиса Антоновна. — Ещө  
кө сутки оз разав руыс?» Сылы вөлі төдса, мый  
тундраын нюжавлө татшөм поводдяыс вежонөдз.  
Кымын водзө, сымын страшнөйджык кутіс кажит-  
чыны виччысьөмыс.

«Мый эськө вөчисны менам местаын мукөдъ-  
яс? — юасис асьыс Василиса. — Мый эськө шуис-  
ны Корчагин, Космодемьянская, Кошевой? Не сет-  
чыны!»

Дум вылас усьліс Алексей Маресьев, коді жу-  
гөдөм кокъясөн петіс вражескөй кытшысь направ-  
лениесө бура төдтөг да воөдчис ас йөз дінө.

«Оз шогмы виччысьны тані поводдялысь ми-  
чаммөм, — решитіс Василиса. — Мөдөдчам водз-

лань. Дерт, öнi корсьöны нин миянöс. Вермам паныдасыны».

Ныв чуксалис детинкаöс. Шойччигкоста ывлаыс неуна югдыштiс, но поводдялөн ыджыд вежсьöм эз на тöдчы. Сьölöм вылын көть и лои неуна кыпыдджык, но чум дiнö регыдөн веськалöм вылö эз вöв ыджыд надея.

Көръяс вөрзьöдчисны, зiля да сьölöмсьыныс рöдтiсны, быттьökö налы дышöдöма жö куйлынысö öти местаын.

Василиса Антоновна мунiс водзын. Джуджыдджык мыльк вылö воём бöрын сийö сувтöдлiс көръяссö, дадь вылö сувтöмөн видзöдлiс гөгөр. Сэсса бара вуджисны сёнъяс, висъяс, арайяс вомөн. Эз öти лунь да варыш дышпырысь кыпöдчыны асланыс позъяс вылысь, кодъяслы, буракö, мустём жö вöли татшöм слöтыс. Тыяс дорын горзiсны дзодзөгъяс да уткаяс, быттьökö полисны воштыны еджыд ру пыткас посныдик пиянсö.

Помся видзöдiсны муö. Но сэни, кыдзи и вöйдөр, эз тöдчыны көр кок туйяс, дадь сюв туйяс. Көнi вöйвыв либö лунвыв — эз жö позь гөгөрвоны.

Вася чöv олис, немтор эз юась. Но Василиса Антоновна бура тöдiс сылысь мөвпъяссö. Öд детинка ичөтсянь овлiс тундраын и бура тöдiс татчöс сьökыдлунъяс.

— Ещö неуна терпityшт, Васенька, — шуалис сийö. — Регыд нин воам.

Ныв бура гөгөрвоис: оз позь пөръясьны, но мöд ногөн вöчны эз вермы. Кодыр морт чорьда эскö да надейтчö, сылы кокныдджык венны любöй сьökыдлунъяс. Та вöсна Василиса дзевлалiс збыль лöөмторсö, пыр на эз көсийы признайтны, мый найö важөн нин воштiсны туй помсö.

«Сөмын мед дзикөдз не кынмыны», — тайо мөвпыс петавтөг оліс Василиса юрын. Оти верөтя выло сувтлігөн сійо заводитліс сетны детинкалы ассыс чышъянсө, но мөдыс өткажитчис.

— Ог кынмы, мися, — вочавидзис Вася. — Ми өд регыд нин воам...

Матысмис мөд вой. Василиса да Вася ёна нин кынмисны, мудзисны, узытөмла өдва кутчысисны кок йылын. Найо вөліны дзик тшыгөсь, көть эз кывны кынөм сюмалөмсө. Ва паськөм зывөка ин-маліс яй бердө.

— Кодарынось нө сәсся миян? — Вася видзөдіс помтөг шыльквидзись тундрасө. — Быттьөкө вөй-исны тундра пырсяйс. Кытчө өні мунам?

— Кытчө? — юалөмөн жө вочавидзис Василиса Антоновна да ланьтис, быттьөкө тшөкмуніс. Сәсся бура дыр мысти нин шуис: — Вошим ми, Васенька. Но тэ эн пов. Аддзам ми чумнымос, быть аддзам!

Артмис тайо сэтшөм пөся да сьөлөмсянь, мый весиг аслыс Василисалы лои лөсьыдджык.

Найо мунісны водзө и водзө, а кытчө — асьныс эз төдны.

## ХАРИТОНЛӨН МЫЖ

Сэк, кор өтияс воштісны ассыныс чумсө, а мөдъяс узытөг да сөйтөг корсисны найос, Янгасов Харитон довъяліс Кара-Вом посёлокын. Артмис ставыс сідзи, кыдзи эз куж и ачыс думыштлыны.

Сійо асывнас, кор зоотехник Василиса Чупрова вуджис Кара ю сайо, Харитон коліс дзик өтнасөн тайо берегас. Бужөд йылын мыйкө дыра пукуштөм бөрын сійо матыстчис аслас дадь діно да кыс-

кис воль улысь ной кышансö. Пыркнитис, и му  
вылö гылаліны пемыдвиг гöна пыжикъяс.

«Со кöні деньгаыс!— радпырысь думайтис Харитон. Паськыд, дон чужöмыс сылөн лои ещö на паськыдджык.— Тайöс посёлокад быдөн ньöбасны. А лоас кö деньга, любöй кадö позяс стадаысь весасыны. Кыдзкö-мыйкö Ильтöг на овсяс...»

Тавося омöль тулыс вöсна уна теля пöгибнитис. Налысь куяссö некытчö на эз сдایتны, сьöрысь новлöдлісны. Харитон эскис, мый пыжикъяс босьтöмсö некод эз и казавлы.

Сійö шлапкис ной кышансö эжа вылö, бөр гартис сэтчö пыжикъяссö да лэччис ва дорö. Кажитчис, мый вывті öдйö муно кадыс. Харитон аддзис, кызди воалісны гортаныс вой кежлас мореöдз петалысь чери кыйысьяс, кызди нывбабаяс отсалісны мужичöйяслы ректыны пыжъясысь черисö. Ставыс тайö вöчсис зэв öдйö. Чери кыйысьяс разöдчисны гортъясаныс. На бöрся кайисны берег дорысь и нывбабаяс.

«Кöть мед ещö пыжа локтас матітіджык таладорöдыс»,— тöждысис Харитон.

Мöдлапöвса берег тыртöммыліс недыр кежлö. Рөгыд сэтчö лэччалісны челядь — посньыдик детинкаяс да нывкаяс. Найö гажаа горзісны, сералісны, ветлöдлісны сакар кодъ еджыд йи пластьяс вывті, кодъясöс тöлыс йөткöма войвыв мореысь ю усянінö да кызсюрö лясйöдлöма ва дор пöлöныс. Челядьлөн каникулъяс. Тундраса челядь нимкодысисны мича гожся луннас, кöть и вöліны маличааöсь. Войвыв море дорын и татшöм лунъясыд овлöны оз частö.

Василиса вуджöмсянь колис часысь дырджык. Харитонлөн пыр ёнджыка содіс полём, мый сылы

оз удайтчы вуджавны посёлокөдз, и весьшөрө ков-  
мас шыбитны пыжик чукөрсө кутшөмкө ты гура-  
нө. Бөр өд найос он нин пукты важ местаө.

Харитон казяліс, кызди берег дорө лэччис өти  
мужичөй, кыскис пельпом вылас руль-мотор да  
пуктис пыжө. Сэссия сійө лэччөдис ружье, ноптор,  
недыр мысти йөткыштчис ва вылө, вөрзьөдис мо-  
торсө.

Янгасов кыпөдчис бужөд йылө, кутис виччысь-  
ны, кодарө мунас пыжаыс. А пыжа, кыз нарoш-  
нө, локтис тала береглань, көни сулаліс Харитон.

— Сувтлы! Куритчы!— горөдис Янгасов.

Пыжын пукалысь кывзисис, локтис Харитон  
динө. Төдмасисны өдйө, ещө өдйөджык сёрнитчис-  
ны мөдар берөгө сутш вуджалөм йылысь.

— Моторыс выль,— ошйысис пыжа морт, ко-  
дөс шуисны Прохорөн.— Неважөн ньөби.

— Дона?— юасис Янгасов.

— Деньга дон,— мудера нюмдис Прохор, код-  
лөн векньыдик синъясыс здук кежлө эз сувтлыны  
өти местаө, сідзи и дзөрисны.— А деньгаыд — ёг.

Харитон немтор эз вочавидз.

— Пыжик эм?— видзөдліс сы вылө Прохор.

— Эм,— коса шуис мөдыс.

— Уна?

— Абу уна, но эм.

— Кодлыкө көсйысин нин?

— Верма и тэныд сетны.

— Вот и бур. Артмөдчам.— Прохор лышкыда  
вежыньтліс вом дорсө.— Мунам ме ордө... Уджйө-  
за ог коль. Ки на ки, и пөрадок.

Первойсө Харитон пыксискодь, но бөрын  
сөгласитчис. Мунісны Прохор ордө, пуксисны  
пызан сайө, юыштисны.

— Босьт став пыжикъяссö, друг,— кутліс Ян-гасов ас кодъыс жö ён тушаа Прохорöс, кодлөн турунвиж синъясыс важөн жö нин былялöмаöсь, кузь юрси пратъясыс öшöдчöмаöсь плеш весътас...

Харитон садъмис мöд луннас да кутчысис юрас. Сійö öдйö садъмöдис Прохорöс, нуöдис вуджöдны мöдар берегö. Но вöлі сёр нин. Көръяслөн сöмын местаыс.

— Мунöмаöсь, кольöмаöсь менö.— Харитон видзöдліс ру пытшкö вöйтчöм паськыд тундра-лань, сэсса кутчысис юрас:— Мый вöчны?

— Вуджам бөр,— шыасис пыж бöжын пукалысь Прохор, но мöдыс юрас кутчысьöмөн пуксис бужöд дорö.

— Вудж öтнадөн,— öвтыштіс сійö кинас.

— А тэ?

— Ме муна стадаö...

— Татшöм поводдянас? Да тэ видзöдлы ас гöгöрыд...

— Мед, муна и ставыс.

— Бур туй да лёкөн эн казътыв,— горöдис Прохор да вуджис посёлокö, а Харитон век на пукаліс бужöд дорын, мөвпаліс, мый вöчны. Сійöс и повзöдліс тундраыс, и быть коліс мунны.

## НЕНЕЦЪЯС

Пöшти кык сутки ветлісны тундраöд Василиса Чупрова да Вася Валей. Поводдя ньöжйöникөн мичаммис, син водзын воссис ывлаыс. Но и та бöрын эз тыдовтчы ни öти чум, ни öти көр стада. Гöгөр вöлі тöдтöм эрд. Кажитчис, мый татчö му пуксьöмсяньыс некод на абу тувччылöма.

«Збыль өмөй ковмас кувны?»— думыштіс Василіса. Мыш кузя кодзувкот моз котөртлывліс көдзыд дрөж. Первойсө вөлі оз на веритсы, мый оз веськавы чумө. Но өні, кык сутки тыригөн, кутіс сомневайтчыны.

Юрө воисны важ висетьяс сы йылысь, кызди өткымынтьяс вошлывлөмаөсь тундраө, и некод абу аддзывлөма налысь лысьөмсө.

Абу ылын таөдз и Василісалы да Васялы. Кокъяс важөн нин дубалісны кынмөмысла, чужөмныс лөзөдіс көдзыдысла. Коймөд лун сөйлытөмөсь, мудзөсь. Страшнө вөлі думайтны, мый лоас аски, аскомысь да ещө водзөджык, збыльысь кө оз аддзыны чумсө. Налөн эз вөв весиг истөг ни пурт, кодөн эськө позис начкыны өти көр да көть нин сөйны уль яйсө. Эз вөв сьөрысь сэтшөмтор, мыйөн эськө позис кыйны тыясысь чери. Тундраын абуөсь и некутшөм вотөсьяс, медым пөткөдыштны кынөмтө. Одва гартыштчөм мырпом веж на да дзик турун көра. Сьөрысь сөмын вөліны тэрыб кокъяса көръяс, кодъяс кутісны вошысьялысь став надеясө.

Матысмис коймөд вой. Көть гожөмын тані эз пемдывлы, войнад век жө шуштөмджык. Ставыс лөньө, унмовсьө.

Джуджыд верөтя вывсянь бара видзөдісны матігөгөрсә местаяссө. Некөн нинөм эз тыдав.

— Му пырыс, буракө, вөйисны кытчөкө став чумъясыс,— ышловзис Василіса.— Коймөд сутки, и ни өти стада.

Син водзө бара сувтіс Кара-Вом посёлок, мөдлапөлын Харитонөс корсьөм да виччысьөм. Ныв аддзис и сійөс, кызди Харитон гуляйтө посёлокса улича вылын, нинөм думайттөг гажөдө асьсө.

А стадаын, дерт, ёна нин шогсьоны. Илья Иванович да Фёдор Михайлович дежуритоны óta-модыскөд вежласигтырйи, и, дерт, корсьоны вошысьясөс.

Оз, оз прөстит сийө ньотчыд Харитонлысь мыжсө. Коляс кө сийө ловйөн, вочас ставсө сы могысь, медым Харитон эз вөв налөн стадаын.

Василисаөс чукөстис бөрвылын локтысь Вася.

— Видзөдлөй эстчө, видзөдлөй!— долыда горзис сийө.

— Мый лои?— дрөгнитис Василиса да повзёмөн зэлөдис вөжжисө.

— Аргыш.

— Көни?

— Со!— Вася индис ылын тыдалысь веротьялань.— Аддзан?

Зэв ылын, сәни, көни отлаасьоны енэжыс да тундраыс, тыдалисны көраяс. Татысянь найө кажитчисны ном гырсяөн. Но бура видзөдигөн төдчис, кызди найө вешйоны ньөжйөникөн.

— Кызди тэ адзин?— нимкодясис Василиса.— Молодеч!

Василиса вылө-вылө ләптыштлис харейсө да ньөв моз өдийө ләччис гөра горув. Сы бөрся аслас көрьясөн ләбзис Вася.

Аргышөн мунысьяс дыр эз казавны на бөрся вөтчысьясөс. Найө то тыдовтчыласны, то бөр вошласны дыр кежлө. Но костныс век жө өдий чинис.



Медбөрын аргыш  
сувтис. Сэни, тыдало,  
казялисны на бөрся  
локтысьясос, модисны  
виччысьны.



«Абу-о миян стаданым?» — думыштіс Вася, и сьолөмыс быдөн ыркмуни радысла. Кысь нө төдан стөча ылысянь? Кызь кымын дадь вылө сөвтөма көр дорын уджалысьяслысь став эмбурсө: разьом чум, пыж, джодж пөвьяс, сундукьяс, юрлөс-вольпасьяс, дозмук, көмкот-паськөм, сөян-юан. Вася ачыс чужліс да овліс көр дорын. Весиг ылысянь вермас висьтавыны, кутшөм дадь вылө мый тэчөма.

Но ыджыд төв ныр моз коставлысь радлун ретгид прөйдитіс: аргышса бөрья дадьяс вылын пукалісны төдтөм нывбабаяс да кутісны кианыс көр куясысь вурөм зыбкаяс. Сэни новлөдлөны посни кагаясөс.

Матыстчигмозыс Василиса юаліс, кодарө муноны көраяс.

— Морелань, — петкөдліс кинас нывбабаяс пиысь өти. — А ті нө кытысьось? Кодарө кутанныд туйсө? — Сійө сюся видзөдіс локтысьяс вылө, бытьө өти видзөдөмнас көсийс төдмавыны ставсө.

Василиса висьтасис, кызди найө торьяліны ас чумысь да кык сутки нин оз веськавыны гортө.

— Гөгөрвоана! Гөгөрвоана! — копрөдліс юрсө нывбаба, сэсся корис воддза дадь дорын сулалысь олөма мужчинаөс:

— Кыззы, Осипович, мый висьталөны.

— Комияс? — матыстчис Василиса дінө мужчина. Сылы вөлі ар ветымын. Паськыд чужөмбан вылас төдчисны гырысь чукурьяс. Лясмуныштөм ныр улас чурвидзисны вөсньыдик сьөд усьяс.

Василиса бара мөдiс висьтавлыны ассыныс ветлөм-мунөмсө. Осипович кыкис малича питшөгыс калян, тыртiс сийөс табакөн.

«Ненецьяс дiнө веськалiм,— думайтiс Вася, кодi казялiс тайөс и чужөмьяс, и сёрни сертияс.— Но нинөм. Öнi сэсся позьö нин воөдчыны гортөдз. Ненецьясыд войдөр унаыс гөститны воывлiсны».

— Ылын, ылын,— юрсө катовтлiс пöрыс ненец.— Тасянь Кара-Вомөдз верст сө.

Осипович эз мөд дыр варовитны, тшөктiс өдйөджык сувтөдны чум.

— Тi жө морелань петанныд?— нинөм гөгөрвотөг видзөдiс Василиса.

— Эг кө аддзөй, водзө мунiм, аддзим — сувтiм,— шуис Осипович,— колө шонтысыны, колө шойччыны, колө сөйны, колө чай юны.

Василиса заводитлiс соссыны, но сийөс некод эз кывзы. Мужичөйяс өдйө ректiсны зiбьяс, лата пөвьяс, разисны чум кышөд. Нывбабаяс пиыс өтияс кольчисны челядь дiнө, а мөдьяс перйисны чайникьяс да ведраяс, котөртiсны матыса тыө вала.

Öти-мөдсые ылын ветлөдлөны тундраса көр видзысыс, разнөй кывьяс вылын сөрнитөны, уна чумьясын олөны, но ставныслөн налөн эм өтитор: көр видзысыс сөрнитөны скупа, унджык көсйөны кывны бокөвөй мортсянь, но налөн сьөлөмныс кидыдөс вылын моз вөсьө төдтөм гөсть водзын.

Недыр мысти Василиса да Вася пукалiсны нин чум шөрө пестөм бипур дорын, ыркисны кружка-ясыс пөсь чай, азыма чөсмасисны би вылын жаритөм яйөн да чериөн. Та дыра сөйлытөм бөрын быдтор кажитчис вөвытөм чөскыдөн.

— Яй сёй, чери сёй,— индалис тасьтjас вылө олөма нывбаба.— Абу гөль, тырмө...

Нывбабаяс сетисны налы небыдик куысь вурөм чулки-липичаяс, перйисны даддысь шоныд маличаяс, вольсалисны вольпась.

Василисалы вөлі неуна яндзим, мый найө дөзмөдоны төдтөм йөзөс.

— Яндысьны, повны оз ков. Ненецьяс — другъяс, комияс — другъяс,— казяліс Осипович.— Тундрайд — тундра и эм. Талун ті мянынөсь, аски ми локтам гөститны. Öти удж вөчам, öти местаясын олам.

«Кутшөм шань йөз»,— мөвпалис Василиса, кодi аслас нэмын первойсы на веськаліс ненецьяслөн чумө. А өд сійө кывлывліс на йылысь дзик мөдтор. Войдөр, ичөт дырйиыс на, висьтавлісны сылы, мый яранъяс (тадзи коркө нимтылісны ненецьяс-өс) скөрөсь, абу варовөсь...

— Водөй, шойчөй,— Осипович индiс вольяс вылө.— Көръяс местаын, вердам, юкталам найөс.

Василиса да Вася пөрччысисны да водісны шоныд шебрас улө.

— Мый öні думайтөны миян йылысь асланым чумын?— водөм бөрын шуис Василиса.— Дерт, өна виччысьöны. Көнкө, корсьöны и корсьöны. Кулас шогысла мамыд.

— И Миша, көнкө, виччысьö,— шуис Вася да ланьтiс. И Василиса эз гөгөрво: вөлі шуөма тайөс вөтөн нин либө вемөсөн на. Василиса ещө на шуис мыйкө, но детинка шкоргис нин.

Узисны найө сёр рытөдз. Садьмигкежлө вөлі бара пуөма көр яй, жаритөма чөскыд чери.

— Миян стадаын эм тіян көръяс,— чеччөмөн тшөтш висьталіс Осипович.— Вөлі воштысьөм?

— Неважөн торйөдчылісны дас кымын көр.

— Өкмыс,— стөчмөдіс Осипович.— Лун-мөд сайын өтлаасисны миян стадакөд...

— Кыдзи төдінныд, мый сійө көръясыс миян?— паськөдіс синъяссө Василиса Антонова.— Гашкө, ещө на кодъяскө воштысьлісны. Өд тундраад абу өти стада?

— О-о,— серөктіс Осипович.— Мый вылө пасыс пельясаныс? Первойсө эг төдөй, кодлөн татшөмыс, а мыйөн аддзи тиянлысь дадюв көръястө — пыр жө гөгөрвои. Тиян көръяс и сюрөм көръяс — өти пасйөда.

— Миянлы өні немторйөн мынтысьнысө,— шуис Василиса.— Сетанныд кө, бөрынджык волам...

— Мынтысьны?— Осиповичлөн рам, векныдик синъясыс друг лоины стрөгөсь.— Некутшөм дон ог босьтөй. Ненец абу сэтшөм, медым вузавлыны йөзлысь көръяссө. Тадзи вөлі век, тадзи лоас и водзө. Кытчө туйө, медым корны дон суседлысь, воклысь?

Ужнайтігөн Осипович интересуйтчис, кызди уджавсьө Василисалы, кутшөмөсь делөясыс стадаын. Висьтавліс и ачыс. Тайө вөлөма Ненецкөй национальной округса «Выль Войвыв» колхозлөн стада. Сійө весиг кыскыліс карта да дыр висьтавліс Василисалы, көні, кутшөм стадаяс сулалөны өнія кадө.

— Ылын, ылын,— шуис Осипович.— Колө мунны дук нель-вит.

Василиса гөгөрвоис, мый татысянь налөн стадаөдз километр нелямын-ветымын.

— Бура туй төда,— шуис Осипович.— Нуа пуля моз веськыда, регыд воам...

Йорасисны сёр рытын нин. Вошлём көрьясөс кутісны стадаысь да домалісны сьумысьясөн дадь дорө. Вөлі тані и еджыд көрпи. Василиса копыртчис да сылы бердас топөдөмөн дыр малаліс сійөс.

— Мусаөй менам, донаөй менам,— шуаліс сійө.— Аддзысин, донаөй...

Сэсся сійө чукөстіс Васяөс:

— Видзөдлы Мишаыдлысь радейтана көрписө. Аддзысис өд... Öні бөр гортө нуөдам...

Васялөн петіс нюмыс. Но эз сөмын сы вөсна, мый тайө вөлі ичөтджык воклөн радейтанатор. Еджыд көрпи вөлі збыльысь зэв мичаөн.

Стадаысь петтөдз нывбабаяс ещө өтчыдысь чукөртлісны пызан, вердісны выль төдсаясөс. Сөййгкоста найө видлалісны Василиса Антоновналысь да Васялысь паськөмсө, жалитісны, мый татшөм кокниа петөмаөсь сьөкыд туйө.

Осипович, коді босьтчис колльөдны Василисаөс да Васяөс, доддяліс аслыс вит быкөс.

— Груз абу,— видзөдаліс сійө куимнан дадьвөсө.— Асылөдзыс воштысям тіян чумөдз.

Медым оз кынмыны мунысьяс, нывбабаяс петкөдісны маличаяс: пасьталөй пө да мунөй, а Осипович аскөдыс бөр ваяс.

— Волөй мянө гөститны,— корис Василиса.— Ми өд морелань жө пьськөдчам. Лун дас мысти өта-мөд дінө матынджыкөсь лоам.

— Водзлань, водзлань,— пөся шуалісны ненкаяс.

И кор Василиса пуксис нин даддьө, друг гөрдзасис сылөн горш діныс. Кажитчис, мый сійө янсөдчө зэв важея да зэв матысса другьяскөд.

— Аттьө ставсьыс,— өдва артмис сылөн.— Выльысь аддзысьлытөдз!

## ВИЧЧЫСЬТӨМ ВСТРЕЧА

Медся водзын муніс Осипович, сы бөрся — Василиса. Вася вөлі медбөрын. Сійө куткырвидзис даддын не ас сертиыс ыджыд маличаа, кодөс сөтисны тьоткаяс. Көръяс рөдтисны рөвнөя. Сьөлөм-сянныс вөтчисны и дадь бөрьясө домалөм көръяс.

Васялөн эз петав мөвп, кызди сійө воас чумө. Ёна нин бырөма гажыс. Сылы кажитчис, мый тайө абу на тундра. Прамөй тундраыс сәні, көні олөны бать-мамыс.

Джуджыд нөрыс вылө кайөм бөрын Осипович сувтөдіс көрьяссө: шойччыштам пө. Ачыс перийс малича увсьыс каллянсө, пестіс сійөс.

— Джын туйсө мунөма,— висьталіс Осипович.— Ми воам водз на, йөзтө вольпасяс суам...

— Некодлы сәні узынысө,— шуис Василиса да мөдіс висьтавыны, кызди пастук Харитон вошис Кара-Вом посёлокын.— Гашкө, сійө өнөдз кодалө.

— Мисьтөм, абу бур,— Осипович катовтліс юрсө.— Оз позь. Дружба колө, а тані тундраын, дас пөв колө. Прамөй көр видзысь ньөтчыд оз коль өртөс. Кулас, но другөс мездас.

Көнкө ылын дзирдыштіс чардби кодь югөр.

— Мый нө тайө?— друг артмис Васялөн.— Кымөртчө?

— Ракетаяс,— кыпөдчис дадьсьыс Осипович.— Корсьөны.— Сәсся сійө пелька өвтыштіс кинас.— Мөдім!

Сөлісны дадьяс вылө да, көрьясөс тәрмөдліг-тырйи, веськөдчисны сылань, көні дзирдыштіс югыд биыс.

Час мысти мунысьяс аддзисны тундраөд гөнитысьсөс. Сійö, буракö, казялöма жö найöс, локтис паныд. Вася ылысянь на тöдис батысьсö. Паныдасиг-моз детинка уськөдчис сылөн сылы вылö.

— Чайтiм, пиö, абу нин ловъяось,— Фёдор Михайлович топöдис писö.— Көдзыд вöли поводдяяс. Лун и вой корсям. Пöшти став ракетаяс видзим. А кöни нö Харитоныс?— друг казялис сійö.

— Эз на лок?— скöрысь юалис Василиса.

Фёдор Михайлович лэптыштлис пельпомсö.

— Но и Харитон,— кутис шензыны Василиса. Сэссия сійö висьталис ставсö, мый лои Кара-Вомö ветлигөн.

— А ме чайтли, мися, сійö вежис нин асьыс коркöя олöмсö. Бөръя кадö дöза прамöйөн вöли. Ковмас аски ветлыны сыла.

— Оз ков, Фёдор Михайлович,— скöрысь шуис Василиса.— Мед убирайтчас, кытчö гажыс. Сетам колхозö радиограмма, мед выль мортöс ыстасны.

Но Фёдор Михайлович, буракö, эз вермы öни скөрмынысьсö. Сійö, тыдалö, радлис, мый сюрины и вошлём йöз, и вошлём кöрьяс.

Осипович вöли тасянь бөр кöсийö бергöдчыны, но Фёдор Михайлович сійöс эз лэдз: нэм пö кута öбижайтчыны, он кö ветлы миян чумöдз. Менам пö татшöм дона гöстьлы и курыдтор на эм дзебасын.

— Ветлам, дядя!— тшöтш нуöдис Вася. Сійö кыкнан кинас кутчысис пöрысь ненецлы коскас.

Осиповичлы лои сöгласитчыны.

Воисны чумö асывнас, час сизимын. Александра Петровна кывлöма понъяслысь увтчöм, петöма паныд. Синъясыс сылөн гөрдöдöмаось, ачыс лыгышмунöма.

— Вася, Васенька,— кутіс сійö писö да бöрд-  
дзис.— А ме, дона пиöй, чайтлі нин... Кык сутки  
чöж синмöс эг куньлы. Тöкөтö эг йöймы.

Но Васялы вöлі нимкодь. Сылөн сьöлöмыс  
йöктіс радысла. Сійö мездысис мамыслөн сывьяс-  
ысь да кытшовтіс чум гөгөр, чукöстіс ас дінас  
поньясöс. Ставыс тані вöлі важысянь тöдса да  
муса.

Сёрни шыö садьмис Миша. Сійö öтпöлөсөн  
быйкнитіс-петіс чумысь, уськөдчис вокыс дінö.

— Тэ öд сэсся дыр он мун?— сійö юасис Вася-  
лысь да синсö вештывтөг дзоргис вокыс вылö.—  
А мамö шуö — ньötчыд пö тэ он лок.

— Дыр ола. Каникулъяс помасьтөдз.

— А бöрсö ме тэкөд тшötш,— ошйысьыштіс  
Миша.— Тшötш öд? Первойсö вöлі мам оз лэдз,  
а öні лэдзö. Школаö мунигкежлö меным выль ма-  
лича нин вурисны. И тэныд тшötш.

— Пырöй сөйыштны,— чуксаліс мамыс пиян-  
сö да меліа видзөдіс на вылö.

Миша көсйис нин пырны чумö, но друг казяліс  
еджыд көрпиöс.

— Мамö, мамö!— горөдіс сійö.— Тэ аддзан?  
Тэ аддзан еджыд көрпитö? Вася, воны видзөдлы...

Сійö кыскис воксö еджыд көрпи дінö, лажыньт-  
чис сьылі улас, радліс.

Чумйын, ляпкыдик кокъяса пызан сайын, пу-  
калісны нин Осипович да Мишалөн батыс. Найö  
висьтавлісны öта-мөдыслы стадаса делöяс йылысь,  
юасисны, коді кутшөм фронт вылын тышкасьлө-  
ма. Бокысянь видзөдігөн кажитчис, мый Осипович  
да Фёдор Михайлович уна во чöж нин төдöны  
öта-мөднысö, көть эськө öнөдз зэв на этшаысь во-  
чаасьлісны.



Но Миша эз дыр пукөд воксө чумын: мый пö тані вöчнысö, петалам ывлаö. Да Васялы и аслыс вöлі окота кытшовтны гөгөр, видзöдлыны ставсö во чöж гажтöмтчысь сингьясөн.

Медпервой Миша нуöдiс воксö сён бокö вöчөм кынь поз дорö. Муö вöчөм ичöтик розын дзирдалiсны би кинь кодь кык син.

— Аддзан?— петкөдлiс Миша чуньнас.

— Да. А кодi сэнi?

— Он тöд?— серöктiс Миша.— Кынь. Илья дядькөд öтлаын кыйим. Первойсö вöлі ичöt на, а öнi быдмыштiс нин...

Сiйö кыскис дом йылöд кыньпиöс да пуктiс мездорас.

— Эн пов, оз курччась...

— А мыйла тайöс?

— Мыйла кутiм? Быдтыны мöдам. Мам шуö, мый арнас сiйö вежас гөнсö, лым кодь еджыд лöб.

Вася кутiс малавны кыньпилысь небыдик гөнсö. Сылы вöлі Мишалы моз жö любö.

Чумйысь петiс Василиса Антоновна. Сiйö сёйыштöма нин да мöдöдчис стада йирсянiнö: нуöда пö сэтчö воём көрьяссö да Илья Ивановичöс корла, мед шойччыштас, öтлаын пукыштас воём гөстыскөд. Вася да Миша вöтчисны Василиса бөрся: окота вöлі öтлаын колльöдны еджыд көрпиöс. Детинкаяслы вöлі долыд. Найö помся дурисны да сералiсны. Тöдчис, мый прамöя бырöма гажныс öта-мöдсьыс.

Стада вöлі йирсьö чумсянь неылын, джуджыд верötя сайын. Көрьяс паськөдчöмаöсь ты гөгөр да, тэрыба жöдзигтыр, нетшкисны веж турунсö.

Илья Иванович, кодi буретш видзис стадасö, казялiс локтысьясöс да веськөдчис налы паныд.

— Ловъяось на, чурки-буди,— сійö радпырысь чеччыштис дадь вылысь.

— Мый нö мянкөд лоас?— бригадир динö матыстчигмоз коалөмөн жö вочавидзис Василиса.

— Быдторсö нин вевъялим думайтны. Кösъя вöли смена бöрын мунны Кара-Вом посёлокö и сетны телеграмма, медым вертолёт ыстасны. Йöзкөд шутитны оз позь.

— Асьным воим да и көръясös со вайөдим,— индис Василиса.

— Көнösь нö вöлины?

Зоотехник заводитис висьтавлыны бригадирлы асланыс ветлөм-мунөм йылысь. Илья Иванович чöла кывзис да сöмын кадысь кадö гогнитлывлис юрнас.

Мыйөн Василиса висьталис Харитонлөн пышйөм йылысь, Илья Иванович дрөгнитис да быттёкө кынмис места вылас.

— Кызди?— мурч курччис пиньсö.— Первойысь кыла татшөм позортö.

Вася да Миша бокысянь видзөдисны, кызди Илья дядь кутис тiравны скөрмөмысла, сэсся ньöжйөнник пуксис дадь вылө, ышловзис да заводитис куритчыны.

— Но, нинөм,— шуис сійö дыр мысти.— Миянös, чурки-буди, он йорт. И сытөг олам.

Сэсся Илья Иванович чеччис дадь вывсьыс, гыжйыштис юрсö, видзөдлис стада йирсянинлань.

— Илья дядь,— матыстчис сы динö онөдз чөв олысь Вася.— Вай ме тшөтш кута стадаад дежуритны, ме öд кужа...

— Василий Фёдорович,— Илья дядь друг бергөдчис сылань да лэптыштлис ки вылас.— Чурки-буди, прамöй молодец лоөмыд. Переведитчин?

— Переведитчи, Илья дядь,— нюмдіс Вася.

— Сідзкө корсюрө кутан дежуритны стада-  
ын,— Илья дядь лапнитіс детинкаос пельпомодыс.

— А меным?— читкыртліс съод синъяссө  
Миша.

— Тэ, Михаил Фёдорович, вокыдкөд өтлаын  
кутан дежуритны. Гөгөрвоин?

— Гөгөрвои, Илья дядь,— нюмдіс Миша.

Илья дядь кутіс юасыны Васялысь, кызди оло-  
ны сылөн гортсаясыс, кызди велөдчисны сылөн  
челядыс.

Но Василиса Антоновна корис бригадирлысь,  
медым сійө колис найөс дежуритны, а ачыс вет-  
ліс завтракйтны чумө, көні өні буретш пукаліс  
ненецкөй стадаса гөсть.

— Ветла инө,— мөдөдчис Илья Иванович.—  
Видзөдла, сёрнитышта. Миянын өд оз частө овлы-  
ны татшөм гөстьясыд.

Илья дядь муніс подөн, колис ассыс дадювсө.  
Вася да Миша пуксисны сылөн дадь вылө да рөд-  
йөн мөдөдчисны ты пөлөн. Василиса пуксис веж  
турун вылө да видзөдіс ылыстчысь детинкаяс  
вылө.

— Бур, мый муніс Харитонид,— висьтавліс  
Миша вокыслы.— Өні сы пыдди ми тэкөд кутам  
дежуритны. Бур өд, Вася?

— Быд лун кутам дежуритны,— шуис Вася да  
водзө вөтліс көръяссө.

\* \* \*

Кык вок вөчисны ыджыд кытш да бөр матыст-  
чисны Василиса Антоновна дінө, коді пыр на пу-  
каліс мыльк йылын да дзоргис-видзөдіс сёнын жу-  
ысь көръясөс.

— Миша,— горөдiс сийö дадь вылын пукалысь-яслань.— Ветлы чумö, висътав, мед рытöдзыс оз локны татчö ни Илья Иванович, ни батыд. Найö öд кымын вой нин прамöя шойччывтöмöсь, мед узыштасны.

— Ме дадюв вылын ветла,— вочавидзис Миша. Но Василиса Антоновна тшöктiс котöртлыны подөн: абу пö тай ылын, сiдзи волан.

Миша котөрөн мунiс чумö, а Василиса Антоновна чукöстiс ас дiнас Васяöс, пуксьöдiс орччөн, водзö мöдiс юасьны сиктын олём йылысь. Дыр коставлём бöрад сылөн быдторйысь гажыс бырöма, олас-олас да бара аддзас кутшöмкö юалантор. Окота тöдны, кодi öнi клубөн заведуйтö, эз-ö на вежсьыны интернатса воспитательяс, кутшöм поводдяйс Печора вылын да сiдз водзö.

Луныс мича, шондiа. Гөгөр шыльквидзö паськыд тундра. И öнi кажитчö, мый тундраö вошлём вöли сöмын вötөн. Татшöм поводдя дырйи мун дас километр сайö, и то кутан тыдавын вывтасджык местаясьянь.

Миша бөр локтiс эз öтнас, а батыскöд. Фёдор Михайлович вöли сöвика, тасмаасьöма. Тöдчис, мый сийö кытчöкö мöдöдчö.

— Доддясъны кöсьянный?— чеччис Василиса.

— Ветла ещö öтчыд Кара-Вомöдз, посёлокöдзыс вуджала,— шуис Фёдор Михайлович.— Гашкö, Харитонлысь кутшöмкö туй пом тöдмала. Сийö, дерт, гулень, но ловъя мортöс сiдзи киритны оз позь.

— Мед гуляйтас пöттöдзыс,— Василисалөн бара пузис сьölöмыс.— Сöмын абу гөгөрвоана, кутшöм деньга вылö гөститöдöны сийöс.

— Кутшöм деньга вылö, шуан?— ышловзис

Фёдор Михайлович да бергөдчис ичөтджык пиыслань.— Пыжикъяс пышйөдөма. Миша аддзылөма, кыдзи сійө муна луннас ларъясын рушйысьөма.

— Збыль, Миша?— друг артмис Василисалөн.

— Збыль,— сідзи жө тэрыба пиыс пыдди вочавидзис Фёдор Михайлович.— Илья прөверитис нин, өні ку пиас скөрысла оз төр.

— Сідзкө, шыш вөлөма,— пузис Василиса.— Судитны колө подлецөс! Судитны! Стадаын өмөй сылы местаыс.

Фёдор Михайлович эз шу кыв ни джын, сөмын мурөстис вомгорулас да, тынзейсө сой вылас лөсьөдлігтыр, веськөдчис көръяс йирсянінө.

— Мунны, корсьны,— өдва кывмөн шуалис Василиса и төдчис, кыдзи вөрөны сылөн вөсньыдик вом доръясыс. Сійө, дерт, дивитис и Фёдор Михайловичөс, но сэк жө төдіс, мый тайө пастукыс оз вермы вөчны мөд ногөн: вывті нин небыд да шань сьөлөм типкө сылөн морөсын.

\* \* \*

Рытладор, кор войвывса шонді лэччис нин тундра бердөдз, детинкаяс казялісны чумлань матыстчысь көраөс. Локтис сійө Кара-Вом посёлокладорсянь.

— Батьө локтө!— горөдіс Миша да уськөдчис чумө, медым та йылысь өдйөджык юөртны мукөдъяслы.

Регыд чумысь петісны Александра Петровна да Василиса. Илья Иванович буретш вөлі стада йирсянінын, муніс дежуритны войбыд кежлө.

— Өтнас али кыкөнөсь, Василиса Антонова,— юалис нывбаба.— Тэнад өд синмыд сусьджык на...

— Буракö, кыкөнöсь,— вочавидзис Василиса.

— Аддзöма сідзкö...

— Абу тай шыштö морыс лыйöма,— шуис Василиса.

— Ильяыд дежурство вылын,— видзöдліс ас гөгöрыс Александра Петровна.— Сійöс эськö колö корлыны. Мед тшöтш любуйтчас том молодечыс вылö.— Сэсся матыстчис ыджыдджык пиыс дінö:— Мун, Вася, котöртлы да кор дядьтö, висьтав, мый локтöны батыд да Харитон.

Вася нуöдіс тшöтш воксö, но Миша эз мун. Сылы вöлі окота тöдны, кызди стадаын встретитасны Харитонöс. «Вөтласны, дерт,— думайтис сійö.— Сідзи сылы и колö. Сытöг дас пöv гажаджык».

Чум дорö вотöдз на Харитон чеччис дадь вылысь да вердастөм көр моз юрсö увлань лэдзöмөн мөдіс руныгыны-кайны верөтя вылö. Сійö шатлаліс мудзöмысла, кокъясыс öдва восьлалісны. Мыльксö кайөм бöрын сійö сувтис, думайтыштіс мыйкö да довгис тыртөм дадьяслань, пуксис.

Ставөн чöv олісны, быттьökö вомас ва босьтöмаöсь, эз тöдны, мый вöчны: то ли матыстчыны Харитон дінö, то ли виччысьны асьыс матыстчөмсö, то ли виччысьны бригадирлысь локтөмсö.

Дыр мысти Василиса бергөдчис да пырис чумö. Вөтчисны сы бöрся и Александра Петровна да Миша.

— Воштöма кывсö,— шуис Мишалөн мамыс.

— Колö кө — шыасяс,— нурбыльтис Василиса.— Ми öд ог мөдöй кок улас копрасьны...

Пырис чумö и Мишалөн батыс да тшөктис сөйыштны лөсьöдны.

— Дзик тшыг, öдва лолыс,— шуис сійö ньöж-

йөнник.— Руа дырйиыс тундраын пукалөма, куйм лун абу сөйлөма. Ме кө эг паныдась, ог төд кызди татчөдз воодчис. Бур, мый мунсьөма.

— Аддзөмыд жалитантор,— видзөдліс чумө пыранінлань Василиса.— Сідзи сылы и колө...

Мишалөн батыс петіс чумысь да чукөстіс Харитонөс, а мамыс лэптіс пызан вылө яй тыра тасьті да сьөд сукар.

Фёдор Михайловичлөн да Харитонлөн ужнай-тігкості воис чумө Илья Иванович. Сійө сувтіс бипур водзө, малыштіс сьөд усьяссө, сэсся шуис:

— И ті верданныд тайөс. Ме кө вөлі тіян местын, тундраса яласө сылы эг сет.

Харитон дрөгнитіс, быттьөкө виньдіс яй кусөкнас. Сэсся ылыстчис пызан дорысь да сувтіс.

— Ме табакла вуджалі...— шуис сійө дрөжжитан гөлөсөн.— Дырджык овсьөма... абу виччысьөмаөсь... прөститөй...

— А көні пыжикъясыд?— стрөга юаліс Илья Иванович.

— Коді шуө?— Харитонлөн синъясыс дзырдыштісны, тэрыба котөртісны чумын пукалысьяс вывті, а чужөмыс первой донавліс, сэсся друг кельдөдіс да лои чум вылө кышан сьомөд кодьөн.— Коді висьталіс?

— Оз ков висьталөм, ме ачым төда,— бригадир видзөдіс веськыда сылы синьясас.— Ачым төда. Гөгөрвоин? Убирайтчы стадасьыс! Марш! Вөръяс тані оз ковны.

Мишалы кажитчис, мый Илья дядь өні уськөдчас Харитон дінө, босьтас сійөс шошаөдыс да тодышкалас чумысь. Сійө өдйө быйкнитіс-петіс ывла вылө, тэрыба видзөдліс гөгөр. Вася некөн эз вөв. Чумсянь неылын сулаліс дадюв, кодөн бать

ветліс Кара-Вомö. Миша пуксис дадь вылö да гөнитіс стада йирсянінö.

— Вася!— ылісянь на горöдіс сійö вокыслы.— Харитоньд воис! Илья дядь сійöс сэтшöма пинялö! Вöтліс, шуö: вөръясыд пö меным оз ковны.

— Вöтлісны?— чуймис Вася.— Муніс нин?

— Эз на мун, но мунас. Сы пыдди тэ да ме кутам дежуритны. Вот лöсьыд лоö. Да öд?

— Кыдзи нö сійö мунас?— думыштчис Вася.— Колясны. Видасны прамöя да и колясны.

— Вöрсö?— Миша сувтöдіс сьöд синъяссö.

— Вай бурджык ветлам чум дорö, кывзыштам, мый сёрнитöны.

Кор Миша да Вася воисны чумö, сэнi некод нин эз увгы. Харитон пукаліс пызан сайын да синъяссö увлань лэдзöмөн кружкаысь ыркис-юис пöсь чай. Налөн батыс да Илья Иванович пукалісны чумлөн мöд джынйын да чöла куритчисны.

«Кольöмаöсь»,— пыр жö казяліс Миша.

Вася сійöс нуöдіс ывла вылö.

Тайö жö войнас Илья Иванович шуис вештыны стадасö выль местаö: тані пö вывтi дыр нин ковмис сулавны, нинöм эз коль көръяслы йирнысö, да сэтчö жö и поводдяыс мичаммис.

Разисны чум. Миша да Вася отсасисны гырысьяслы сөвтны дадьяс вылö чум зэвтан зібъяс, джодж пöвъяс-латаяс, дозмук. Сэссия йöрасисны, доддялісны көръясöс. Войшөр гөгöрын, кор шондiыс кыссьö дзик му бердöд да киськалö тундрасö нежнöй розөвöй краскаөн, «Звезда» колхозса көр видзысьяслөн аргыш вөрзис туйö.

Илья Иванович пукаліс медводдза дадь вылын. Сійö частö сувтлывліс, шондiлы паньд видзöдiгөн вайöдлывліс кисö плеш бердас. Бригадир бөрйис

аргышлы лөсьыдджык мунанін. Сы бөрся рөдтіс Василиса Антоновна. Сэссия мунісны дадювъяс, кытчө вөлі грузитөма көлуй, чум, пыж да мукөд овмөс. Тайө дадювъяссө вөлі домалөма өта-мөд бөрсяыс, наөн некод эз веськөдлы.

Фёдор Михайлович да Харитон водзлань вөтлісны көр стадаөс. Аргышын мунысьяс пыр жө казялісны Янгасовлысь старайтчөмсө. Сійө ньөв моз ветліс то өтарө, то мөдарө, мый вынсьыс старайтчис вештыны мыжсө.

Миша да Вася Валейяс, кодъяс пукалісны торъя дадыяс вылын, веськөдлісны асьныс. Найө мунісны өта-мөд бөрся, нимкодя горөдлывлісны. Кыкнанныслы вөлі долыд: өд көръяс вешйисны морелань, сэтчө, көні гыалө войыввса океан, көні ещө на мичаджыкөн да гажаджыкөн овлө татчөс дженьыд гождөмыс.

---



1 ш. 80 к.



КОМИ КНИЖНОЕ ИЗДАТЕЛЬСТВО · 1960